



藝海珠塵
所易書畫
藏杜城
室及山閣中

藝海珠塵

香雨

經部總義類

南匯吳蘭泉之輯
嘉興張三廷濟
汝霖校

箴箴膏肓

何休以為古制諸侯幼弱天子命賢大夫輔相為政無

攝代之義昔周公居攝死不記崩今隱公生稱侯死
稱薨何因得為攝者羊也魯齊對無繼宋魯公云晉

箴自周公攝政仍以成王為主直攝其政事而已所有
大事稟王命以行之致政之後乃死故卒稱薨不記



崩隱公所攝則位亦攝之以桓為太子所有大事皆專命以行攝位被殺在君位而死故生稱公死稱薨

是與周公異也且公羊以為諸侯無攝宋穆公云吾

立乎此攝也以此言之何得非左氏繡水王復按春秋左氏傳隱公

元年疏引又見禮記明堂位疏原本載此條于箴曰下節刪數句而大意悉合

何休以為禮士三月葬令云踰月左氏為短

箴云人君殯數來日葬數往月大夫殯皆數來日來月

士殯葬皆數往日往月士之三月大夫之踰月也王復

案春秋左氏傳隱公元年疏引又見禮記玉制疏檀弓疏引箴膏肓云亦與此畧同原本此條載在子產論伯有條下今據春秋年代改正

孫楷之

何休以為左氏宰渠伯糾父在故名仍叔之子何以不

名又仍叔之子以為父在稱子伯糾父在何以不稱

子子伯糾

箴云仍叔之子者譏其幼弱故畧言子不名之至於伯

糾能堪聘事私覲又不失子道故名且字也王復案春秋左

氏傳桓公四年疏引

曹太子來朝賓之以上卿禮也何休以為左氏以人子

安處父位尤非衰世救失之宜於義左氏為短

箴云必如所言父有老耄罷病孰當理其政預王事也

王復按春秋左氏傳桓公九年疏引

箴膏肓

築王姬之館於外

箴云宮廟朝廷各有定處無所館天子之女故宜築于

宮外

王復案春秋左氏傳莊公元年疏引

三甥請殺楚子何休以為楚鄧疆弱相縣若從三甥之

言楚子雖死鄧滅曾不旋踵若剗腹去疾炊炭止沸

左氏為短

箴云楚之疆盛從滅鄧以後於時楚未為疆何得云疆

弱相縣

王復案春秋左氏傳莊公六年疏引

凡君即位卿出迎聘何休以為三年之喪使卿出聘於

同義左氏為短

箴云周禮諸侯邦交歲相問殷相聘世相朝左氏合古

禮何以難之

王復案春秋左氏傳文公元年疏引

王使榮叔歸舍且賜何休以為禮尊不舎卑又不兼二

禮左氏以為禮於義為短

箴云禮天子於二王後之喪舍為先繼次之贈次之賻

次之於諸侯舍之贈之小君亦如之於諸侯臣繼之

諸侯於相如天子於二王後於卿大夫如天子於諸

侯於士如天子於諸侯臣何休云尊不舎卑是違禮

非經意其一

人兼歸二禮亦是為譏

王復案春秋左傳文五年疏引

秦人來歸僖公成風之謚何休云禮主于敬一使兼二

喪又於禮既緩而左氏以為禮非也于始一與乘二

箴云若以為緩按禮衛將軍文子之喪既除喪而越人

來弔子游何得善之王復案春秋左氏傳文公九年疏引

冬來反馬也何休難左氏言禮無反馬之法王復案原

云禮無反馬而左氏以為得禮禮婦人謂嫁曰歸明

無大故不反于家經書高固及子叔姬來故譏乘行

箴之曰冠義云無大夫冠禮而有其昏禮則昏禮者天

子諸侯大夫皆異也士昏禮云主人爵弁纁裳緇

乘墨車從車二乘婦車亦如之此婦車出於夫家則

士妻始嫁乘夫家之車也詩鵲巢云之子于歸百兩

御之又云之子于歸百兩將之將送也國君之禮夫
人始嫁自乘其家之車也則天子諸侯嫁女留其乘
車可知也高固大夫也來反馬則大夫亦留其車也
禮雖散亡以詩之義論之大夫以上其嫁皆有留車

反馬之禮留車妻之道也反馬婿之義也高固以秋
九月來逆叔姬冬來反馬則婦入三月祭行乃反馬

禮也王復案春秋左氏傳宣公五年疏引又見詩鵲

巢正義儀禮士昏禮疏並同原本引士昏禮云

主人爵弁纁裳緇施從者畢玄端乘墨車從車二乘

執燭前馬婦車亦如之有祿與儀禮合宜從原本
凡諸侯嫁女同姓媵之異姓則否何休以為媵不必同
姓所以博異氣今左傳異姓則否十年齊人來媵何

以無貶刺之文左氏為短
 箴云禮稱納女于天子云備百姓於國君云備酒漿不
 得云百姓是不博異氣也齊是大國今來朕我得之
 為榮不得貶也王復案春秋左氏傳成公八年疏引
 宣伯如齊逆女稱族尊君命也何休曰叔孫僑如舍族
 為尊夫人按襄二十七年豹及諸侯之大夫盟復何
 所尊而亦舍族春秋之例一事再見者亦以省文耳
 左氏為短

箴云左氏以豹遺命故貶之而去族今僑如無罪而亦
 去族故以為尊夫人也春秋有事異文同則此類也

王復案春秋左氏傳成公十有四年疏引

季武子將作三軍何休以為左氏說云尊公室休以為
 與舍中軍義同於義左氏為短

箴曰左氏傳云作三軍三分公室各有其一謂三家始

專兵甲罕公室云左氏說者尊公室失左氏意遠矣

王復案春秋左氏傳襄公十一年疏引

晉侯請于王王追賜之大路使以行禮也何休云天子
 車稱大路諸侯車稱路大夫稱車今鄭子僑諸侯之
 大夫耳當與天子士同賜其車而名之曰大路非正
 也孔子曰唯器與名不可以假人名不正則言不順

於義左氏爲短

箴云按周禮天子衮冕上公亦稱衮冕天子析羽爲旌

諸侯及大夫亦稱旌又天子樂官大師鄉飲酒禮君

賜樂亦稱大師此皆名同于上則卿大夫之路何獨

不可同之於天子大路之名乎何休之難非也

王復案春

秋左氏傳襄公十有九年疏引又詩采薇正義韓奕

正義俱引此原本載在楚鬻拳同姓條下于箴云作

詩采薇云彼路斯何君子之市言大夫亦

得爲路車與此迥異並附識之以備攷

申豐論雨雹何休云春秋書雹以爲政之所致非由冰

也若今朝廷藏冰亦不於深山窮谷何故或無雹天

下郡縣皆不藏冰何故或不雹若言有之于古必有

驗于今此其不合于義失天人相與之意

箴之云雨雹政失之所致是固然也國之失政君子知

其大者其次知其小者藏冰之禮凌人掌之月令載

之豳風歌之此獨非政歟故其小者耳夫深山窮谷

固陰沍寒極陰之處冰凍所聚不取其冰則氣畜不

泄結滯而爲伏陰凡雨水陽也雷雹陰也雨水而伏

陰薄之則凝而爲雹雨雪而愆陽薄之則合而爲霰

申豐見時失藏冰之禮而有雹推之陰陽知此伏陰

所致亦聖人之寓言也詳載其言者以著藏冰之禮

不可廢耳

王復案春秋左氏傳昭公四年疏引

子產論伯有何休曰子不語怪力亂神以鬼神爲政必
惑衆故不言也今左氏以此令後世信其然廢仁義
而祈福于鬼神此大亂之道也子產雖立良止以託
繼絕此以鬼賞罰要不免于惑衆豈當迷之以示季
末

箴曰伯有惡人也其死爲厲鬼厲者陰陽之氣相乘不
和之名尚書五行傳六厲是也人死體魄則降魂氣
則上有尚德者附和氣而興利孟夏之月令雩祀百
辟卿士有益于民者由此也爲厲者因害氣而施災
故謂之厲鬼月令民多厲疾五行傳有禦六厲之禮

禮天子立七祀有大厲諸侯立五祀有國厲欲以安
鬼神弭其害也子產立良止使祀伯有以弭害乃禮
與洪範之事也子所不語怪力亂神謂虛陳靈象于
今無驗也伯有爲厲鬼著明若此而何不語乎子產
固爲衆愚將惑故并立公孫洩云從政有所反之以
取媚也孔子曰民可使由之不可使知之子產達于
此也

王復案春秋左傳
昭公七年疏引

年鈞以德德鈞以下何休曰年鈞以德之言云人君所
賢下必從之焉能使王不立愛也

箴云周禮小司寇掌外朝之政以致萬民而詢焉其三

曰詢立君其位王南鄉三公及州長百姓北面羣臣
西面羣吏東面小司寇以敘進而問焉如此則大衆
之口非君所能掩是王不得立愛之法也王復案原
本未載此
條今據春秋左氏傳昭
公二十六年疏補入

王不立愛公卿無私古之制也何休云大夫不世功而
並為公卿通繼嗣左氏為短

箴云公卿之世有大功德先王命所不絕者王復案原
本此條亦

未載今採春秋左傳昭公二十六年疏補
入又詩經文王篇正義節引箴云與此合

箴膏肓難之云天子云備百姓博異氣諸侯直云備酒
漿何得有異姓在其中王復案原本無此條今據春
秋穀梁傳成公十年疏補入

攷前諸侯嫁女鄭所
箴即此而文句稍異

箴曰當卜祀日月爾不當卜可祀與否王復案禮記曲
禮上疏引原本

在天子車稱大路
條下今為改正

春秋說題辭樂無大夫士制

箴膏肓從題辭之義大夫士無樂王復案原本未載此
條今據禮記曲禮疏

補入

箴膏肓僖公母成風主婚得權時之宜王復案原本無
此條今據禮記

檀弓疏
補入

何休難左氏云若其以卜隱桓之禍皆由此作乃曰古
制固亦謬矣

箴曰立長以嫡不以賢固立長矣立子以貴不以長固立貴矣若長均貴均何以別之故須卜禮有請立君卜立君是有卜也

王復案原本未載此條今據禮記檀弓疏補入

何休引感精符云立推度以正陽日食則鼓用牲於社朱絲營社鳴鼓脅之左氏云用牲非常明左氏說非夫子春秋於義左氏爲短

箴之曰用牲者不宜用春秋之通例此讖說正陽朱絲鳴鼓豈說用牲之義也讖用牲於社者取經宛句耳

王復案禮記祭法疏引

箴膏肓云天子郊以夏正上旬之日魯之下三正下旬

之日

王復案周禮冢宰疏引

何休云說左氏傳者曰春秋之志非聖人孰能修之言夫子聖人乃能修之御叔謂臧武仲爲聖人是非獨孔子

箴之曰武仲者述聖人之道魯人稱之曰聖今使如晉過御叔御叔不說學見武仲而兩行傲之云焉用聖人爲左氏傳載之者非御叔不說學不謂武仲聖與

孔子同

王復案周禮大司徒疏引

何休以爲春秋之義三代異建嫡媵別貴賤有姪娣以辨親疎立嫡以長不以賢立子以貴不以長王后無

嫡別尊之敬之義無所卜筮不以賢者人狀難別嫌有所私故絕其怨望防其覬覦今如左氏言云年鈞以德德鈞以下君之賢下必從之豈復有卜隱桓之禍皆由是興乃曰古制不亦謬哉又大夫不世如并爲公卿通繼嗣之禮左氏爲短

箴之曰立適固以長矣無適而立子固以貴矣今言無適則擇立長謂貴鈞始立長王不得立愛之法年均則會羣臣羣吏萬民而詢之有司以序進而問大衆之中非君所能掩是王不得立愛之法也禮有詢立君示義在此短之言謬失春秋與禮之義矣公卿之

世立者有功德先王之命有所不犯王復案周禮太卜疏引此原本

前二條俱載此條下今據周禮序官次序改正

箴云楚鬻拳同姓有不去之恩王復案詩栢舟正義引

僖二十二年宋公及楚人戰于泓左氏以爲不用子魚之計至於軍敗身傷所以責襄公也而公羊善之云雖文王之戰亦不過是

箴曰刺襄公不度德不量力引考異郵至襄公大辱師敗於泓徒信不知權譎之謀不足以交鄰國定遠疆也此是譏師敗也公羊不譏違考異郵矣王復案詩大明篇正

左傳狂狡輅鄭人何休以為狂狡近于古道

箴曰狂狡臨敵拘於小仁忘在軍之禮譏之義合於讖

王復案詩大明篇正義引原本以上二條
倒置載在感精符條下今據詩次序改正

襄七:left傳曰夫郊祀后稷以祈農事故啟蟄而郊郊
而後祈是郊為祈穀之事也孝經云郊祀后稷以配
天宗祀文王於明堂以配上帝上言配天不言祈穀
者

箴膏肓曰孝經主說周公孝以必配天之義本不為郊

祀之禮出是以其言不備王復案詩噫嘻正義引
原本未載此條今據補

起廢疾

鄭元箴

釋曰若仲子是桓之母桓未為君則是桓公之妾天王

何以賜之則桓公之母亦為仲子也王復案春秋穀
梁傳隱公元年

疏引原本此條殿末
今據春秋年代改正

何休曰公羊以為日與不日為遠近異辭若穀梁云益

師惡而不日則公子牙及季孫意如何以書日乎

釋曰公子牙莊公弟不書弟則惡明也故不假去日季

孫意如則定公所不惡故亦書日王復案春秋穀梁
傳隱公元年疏引

何休曰廐焚孔子曰傷人乎不問馬今穀梁以苞人民

為輕斬樹木壞宮室為重是理道之不通也

釋曰苞人民毆牛馬兵去則可以歸還其為壞宮室斬
樹木則樹木斷不復生宮室壞不自成為毒害更甚

也 王復案春秋穀梁傳隱公五年疏引

何休曰春秋楚世子商臣弑其君其後滅江六不言夫
去又大去者於齊滅之不明但知不使小人加乎君
子而不言滅縱失襄公之惡反為夫去也

釋曰商臣弑其父大惡也不得但為小人江六之君又
無紀侯得民之賢不得變滅言夫去也元年冬齊師
遷紀三年紀季以鄒入於齊今紀侯夫去其國是足
起齊滅之矣即以變滅言夫去為縱失襄公之惡是

乃經也非傳也且春秋因事見義舍此以滅人為罪

者多矣

王復案春秋穀梁傳莊公四年集解引

王人子突救衛何休以為稱子則非名也

釋曰王人賤者錄則名可今以其銜命救衛故貴之貴

之則子突為字可知明矣此名當為字誤耳

王復案春秋穀

梁傳莊公六年集解引

何休曰三年溺會齊師伐衛故貶而名之四年公及齊
人狩于郟故舉之曰人今親納讎子反惡其晚恩義
相違莫此之甚

釋曰於讎不復則怨不釋而魯釋怨屢會仇讎一貶其

臣一卑其君亦足以責魯臣子其餘則同不復譏也
至於伐齊納糾譏當可納而不納爾此自正義不相
反也王復案春秋穀梁傳
莊公九年集解引

鄭釋廢疾數九會則以柯之明年為始王復案春秋穀
梁傳莊公十三

年疏引原本
無今据補

何休曰春秋不言月食日者以其無形故闕疑其夜食
何緣書乎

釋曰一日一夜合為一日今朔日日始出其食有虧傷
之處未復故知此自以夜食夜食則亦屬前月之晦
故穀梁子不以為疑王復案春秋穀梁傳
莊公十八年集解引

何休曰南季宰渠伯糾家父宰周公來聘皆稱使獨于
此尊之何也

釋曰諸稱使者是奉王命其人無自來之意今祭叔不
一心於王而欲外交不得王命來故去使以見之復

案春秋穀梁傳莊公
二十三年集解引

釋曰自柯之明年葵邱以前去貫與陽穀固已九合矣

王復案春秋穀梁傳
莊公二十七年疏引

何休曰傳例大夫不日卒惡也牙與慶父共淫哀姜謀
而殺子般而日卒何也不日卒惡也

釋曰牙莊公母弟不言弟其惡已見不待去日矣王復
案春

秋穀梁傳莊公三十三年集解引

何休以為即日為美其不日皆為惡也桓公之盟不日皆為惡邪莊十三年柯之盟不日為信至此日以為美義相反也

釋曰柯之盟不日固始信之自其後盟以不日為平文

從陽穀以來至此葵邱之盟皆令諸侯以天子之禁

桓德極而將衰故備日以美之自此不復盟矣王復案春

秋穀梁傳僖公九年集解引

何休曰公羊書雩者美人君應變求索不雩則言早早而不害物言不雨也就如穀梁說本不雩何以明之

如以不雨明之設旱而不害物何以別乎

釋曰雩者夏祈穀實之禮也旱亦用焉得雨書雩明雩

有益不得雩書旱明旱災成後得雨無及也國君而

遭旱雖有不憂民事者何乃廢禮本不雩禱哉顧不

能致精誠也旱而不害物故以久不雨別之文二年

十三年自十有二月自正月不雨至于秋七月是也

穀梁傳曰歷時而言不雨文不閔雨也以文不憂雨

故不如僖時書不雨文所以不閔雨者素無志於民

性退弱而不明又見時久不雨而無災耳王復案春秋穀梁傳

僖公十一年集解引

何休曰案先是盟亦言諸侯非散也又穀梁美九年諸侯盟于葵邱卽散何以美之邪

釋曰九年公會宰周公齊侯宋子衛侯鄭伯許男曹伯于葵邱九月戊辰盟于葵邱時諸侯初在會未有歸者故可以不序今此十三年夏公會齊侯宋公陳侯衛侯鄭伯許男曹伯于鹹而冬公子友如齊此聘也書聘則會固前已歸矣今云諸侯城緣陵而不序其人明其散桓德衰矣葵邱之事安得以難此

王復案春秋穀

梁傳僖公十四年集解引

何休曰戰言及者所以別客主直不直也故文十三年

晉人秦人戰于河曲兩不直故不云及今宋言及明直在宋非所以惡宋也卽言及爲惡是河曲之戰爲兩善乎又穀梁以河曲不言及畧之也則自相反矣釋曰及者別異客主耳不施於直與不直也直不直自在事而已義兵則客直宣十二年夏晉荀林父帥師及楚子戰于邲晉師敗績是也兵不義則主人直莊二十八年春衛人及齊人戰衛人敗績是也今齊桓卒未葬宋襄欲與霸事而伐喪於禮尤反故反其文以宋及齊卽實以宋及齊明直在宋邲之戰直在楚不以楚及晉何邪秦晉戰于河曲不言及疾其亟戰

爭舉兵故畧其先後

王復案春秋穀梁傳僖公十八年集解引

何休曰邢人狄人伐衛即伐衛救齊當兩舉如伐楚救江矣又傳以為江遠楚近故伐楚救江今狄亦近衛而遠齊其事一也義異何也

釋曰文三年冬晉陽處父帥師伐楚救江兩舉之者以

晉未有救江文故明言之今此春宋公曹伯衛人邾

人伐齊夏狄救齊冬邢人狄人伐衛為其救齊可知

故省文耳事同義又何異

王復案穀梁傳僖公十八年傳集解引

何休曰春秋以執之為罪不以釋之為罪責楚子專釋非其理也公羊以為公會諸侯釋之故不復出楚耳

釋曰不與楚專釋者非以責之也傳云外釋不志此其

志何也以公之與之盟目之也言公與諸侯盟而釋

宋公公有功焉與公羊義無違錯

王復案春秋穀梁傳僖公二十一年

集解引

何休曰泓之戰即宋公身傷當言公不當言師成十六

年楚子敗績是也又成十六年傳曰不言師君重于

師也即成十六年是二十二年虛言也即二十二年

是十六年非也

釋曰傳說楚子敗績曰四體偏斷此則目也此言君之

目與手足有破斷者乃為敗矣今宋襄公身傷耳當

持鼓軍事無所害而師猶敗故不言宋公敗績也傳所以言敗衆敗身傷焉者疾其信而不道以取大辱

王復案春秋穀梁傳傳信公二十二年集解引

何休曰所謂教民戰者習之也春秋貴偏戰而惡詐戰宋襄公所以敗于泓者守禮偏戰也非不教其民也孔子曰君子去仁惡乎成名道次必於是顛沛必於是未有守正以敗而惡之者公羊以為不書葬為襄公諱背殯出會所以美其有承齊桓尊周室之美志釋曰教民習戰而不用是亦不教也許戰謂不期也既期矣當觀敵為策倍則攻敵則戰少則守今宋襄公

于泓之戰違之又不用其臣之謀而敗故徒善不用賢良不足以興霸王之功徒善不知權譎之謀不足以交鄰國會遠疆故易譏鼎折足詩刺不用良此說善也王復案春秋穀梁傳傳信公二十三年集解引宋殺其大夫何休曰曹殺其大夫亦不稱名姓豈可復以為祖乎

釋曰宋之大夫書名姓禮公族有罪刑于甸師氏不與國人慮兄弟也所以尊與之孔子之祖孔父累于宋殤公而死今骨肉在其位而見殺故尊之隱而不忍稱名氏若罪大者名之而已使若異姓然此乃祖之

疏也曹殺其大夫自以無大夫不稱名氏耳春秋辭
同事異者甚多隱去即位以見讓莊去即位為繼弒
是復可以此例非之乎王復案春秋穀梁傳僖
公二十五年集解引

楚人圍陳納頓子于頓何休曰即陳納之當舉陳何以
不言陳

釋曰納頓子固宜為楚也穀梁子見經云楚人圍陳納
頓子于頓有似晉陽處父伐楚救江之女故云蓋陳

也王復案春秋穀梁傳
僖公二十五年疏引

楚人陳侯蔡侯鄭伯許男圍宋何休曰哀元年楚子陳
侯隨侯許男圍蔡不稱人明不以此故也

釋曰時晉文為賢伯故譏諸侯不從而信夷狄也哀元

年時無賢伯又何據而當貶之耶王復案穀梁傳僖
公二十七年集解

引

何休曰大夫無遂事按襄十二年季孫宿救台遂入郕

惡季孫不受命而入也如公子遂受命如晉不當言

遂

釋曰遂固受命如京師如晉不專受命如周經近立言

天王使宰周公來聘故公子遂報焉因聘于晉尊周
不敢使並命使若公子遂自往然即云公子遂如京
師如晉是同周于諸侯叛而不尊天子也公羊傳有

美惡不嫌同辭何獨不廣之于此乎王復案春秋穀梁傳僖公三十

年集解引

兩螽于宋何休曰螽猶衆也死而墜者象宋羣臣相殘害也今穀梁直云茅茨盡矣著於上見於下謂之雨與讖違是為短

釋曰穀梁意以宋德薄後將有禍故螽飛在上墜地而死言茅茨盡者著甚之驗於讖何錯之有乎王復案春秋穀

梁傳文公三年疏引

何休曰四年夫人風氏薨九年秦人來歸僖公成風之穉最晚矣何以言來

釋曰秦自敗于殺之後與晉為仇兵無休時乃如免繆

公之喪而來君子原情不責晚王復案春秋穀梁傳文公五年集解引又

見禮記雜記疏

釋廢疾云天子於二王後之喪舍為先穉次之贈次之

餘諸侯舍之贈之小君亦如之於諸侯之臣穉之贈

之其諸侯相施如天子於二王之後於卿大夫如天

子與諸侯於士如天子於諸侯之臣京師去魯千里

王室無事三月乃舍故不言來以譏之王復案原本無此條今據

春秋穀梁傳文公五年疏引補入又禮記雜記疏節引此條詞情亦同

宋人殺其大夫司馬何休曰近土七年宋公壬臣卒宋

人殺其大夫不言官今此在三年申言官義相違
釋曰七年殺其大夫此實無君也今殺其司馬無人君

之德耳司馬司城君之爪牙守國之臣乃殺其司馬
奔其司城無道之甚故稱官以見輕慢也

王復案春秋穀梁傳

獲宋華元何休曰書獲皆生獲也如欲不病華元當有

變文

釋曰將師見獲師敗可知不當復書師敗續此兩書之

者明宋師懼華元見獲皆竭力以救之無奈不勝敵

耳華元有賢行得衆如是雖師敗身獲適明其美不

傷賢行今兩書敗獲非變文如何
王復案春秋穀梁傳宣公二年集解

齊崔氏出奔衛何休曰氏者譏世卿也即稱氏為舉族

而出尹氏卒寧而復以為舉族死乎

釋曰云舉族死是何妖問甚乎舉族而出之之辭者固

譏世卿也崔杼以世卿專權齊人惡其族令出奔既

不欲其身反又不欲國立其宗後故孔子順而書之

曰崔氏出奔衛若其舉族盡去之爾

王復案春秋穀梁傳宣公十年

集解

釋廢疾曰去冬及春夏案春秋說考異郵三時唯有禱

禮無雩祭之事唯四月龍星見始有常雩耳故因載其禱請山川辭云方今天旱野無生稼寡人當死百姓何依不敢煩民請命願撫萬民以身塞無狀

王復案原

本未載此條今據春秋穀梁傳成公七年疏補入

何休曰君子不求備於一人士句不伐喪純善矣何以復責其專大功也

釋曰士句不伐喪則善矣然于善則稱君禮仍未備故言乃還不言乃復作未畢之辭還者致辭復者反命

王復案春秋穀梁傳襄公十九年疏引

何休曰甯喜本弑君之家獻公過而殺之小負也專以

君之小負自絕非大義也何以合乎春秋

釋曰甯喜雖弑君之家本專與約納獻公爾公由喜得

入已與喜以君臣從事矣春秋撥亂重盟約今獻公

背之而殺忠於已者是獻公惡而難親也獻公既惡

而難親專又與喜為黨懼禍將及君子見幾而作不

俟終日微子去紂孔子以為三仁專之去衛其心若

此合於春秋不亦宜乎

王復案春秋穀梁傳襄公二十七年集解引

何休曰蔡世子般弑其君固不日謂之夷楚世子商臣

弑其君何以反書日邪

釋曰商臣弑父日之嫌夷狄無禮罪輕也今蔡中國而

又弒父故不日之若夷狄不足責王復案春秋穀梁傳襄公三十年疏
楚師滅蔡執蔡世子友以歸何休曰即不與楚殺當貶
楚爾何故反貶蔡稱世子邪

釋曰滅蔡者楚子也而稱師固已貶矣楚子思啓封疆
而貪蔡誘殺蔡侯般冬而滅蔡殺友惡其淫放其志

殺蔡國二君以取其國故變子言世子使若不得其

君終

王復案春秋穀梁傳昭公十一年集解引

晉伐鮮虞何休曰春秋多與夷狄並伐何以不狄也

釋曰晉不見因會以綏諸夏而伐同姓貶之可也狄之
大重晉爲厥愆之會實謀救蔡以八國之師而不救

楚終滅蔡今又伐徐晉不糾合諸侯以遂前志舍而

伐鮮虞是楚而不如也故狄稱之焉

王復案春秋穀梁傳昭公十二

年集解引

齊陽生入于齊何休曰即不使陽生以茶爲君不當去

公子見當國也又穀梁以爲國氏者取國于茶齊小

白又不取國于子糾無乃近自相反乎

釋曰陽生篡國故不言公子不使君茶謂書陳乞弒君

爾茶與小白其事相似茶弒乃後立小白立乃後弒

雖然俱篡國而受國焉爾傳曰齊小白入于齊惡之

也陽生其以國氏何取國于茶也義適互相足又何

自反乎子糾宜立而小白篡之非受國于子糾則將誰乎王復案春秋穀梁傳哀公六年集解引

何休曰運斗樞曰夏不田穀梁有夏田於義為短

釋曰四時皆田夏殷之禮詩云之子于苗選徒鬻鬻夏

田明矣孔子雖有聖德不敢顯然改先王之法以教

授於世若其所欲改具陰書於緯藏之以傳後王穀

梁四時田者近孔子故也公羊正當六國之亡讖緯

見讀而傳為三時田作傳有先後雖異不足以斷穀

梁也王復案禮記王制疏引

釋廢疾云歲三田謂以乾豆三事為田也王復案王制疏引坊本作

歲三田謂以三事為田即上二曰乾豆之等

釋廢疾云雖庶人葬為兩止王復案王制疏引原本與前條錯置今據疏文先後

校

釋廢疾云春秋凡書二十四旱考異郵說云分為四部

各有義焉王復案禮記月令疏外

宰咺來歸惠公仲子之賵釋曰平王新有幽王之亂遷

于成周欲崇禮於諸侯原情免之若無事而晚者去

來以譏之榮叔是也王復案禮記雜記疏引

釋廢疾云宣八年六月有事于太廟禘而云有事者雖

為卿佐卒張本而書有事其實當時有用七月而禘

因宣公六月而禘得禮故變文言有事春秋因事變

文見其得正也王復案禮記雜記疏引大戴禮而云自專答難

發墨守之案以墨守王復案禮記

古者鄭國處於留鄭國元簋鄭國處於留鄭國自平王遷自幽王之厲廢

發曰鄭始封君曰桓公者周宣王之母弟國在宗周畿

內今京兆鄭縣是也桓公生武公武公生莊公遷易

東周畿內國在號鄭之間今河南新鄭是也武公生

莊公因其國焉留乃在陳守之東鄭受封至此適

世安得古者鄭國處於留祭神將往省留之事乎王復

案周禮大司徒疏引

發云孝子祭祀惟致其誠信與其忠敬而已不求其為

王復案禮記禮器疏引

發云隱為攝位周公為攝政雖俱相幼君攝政與攝位

異也王復案禮記明堂位疏引

發云六年制禮作樂封殷之後稱公子宋王復案原本無此條今據

樂記疏補入

不能乎母也發云聖人制法必因其事非虛加之孟子

曰夫人必自侮而後人侮之家必自毀而後人毀之

國必自伐而後人伐之今襄王實不能孝道稱惠后

之心令其寵專於子失教而亂作出居於鄭自絕于
周故孔子因其自絕而書之公羊以母得廢之則左

不氏已死矣

王復案春秋公羊傳
僖公二十四年疏引

其注非淵城之蓋子

衛人
葬頃公



藝海珠塵

南匯吳省蘭

經部春秋類

南匯吳省蘭 泉之輯

南匯周 鈺 庚酉校

春秋傳說例

舊唐書

劉敞

字原父臨江新喻人宋慶歷間進上累

御史臺卒私諡翰林學士改集賢學士判南京
意林五卷春秋傳十五卷春秋權衡十七卷春秋
秋文權二卷

奪目錄大夫補人

錄大夫

錄大夫

錄大夫

公即位例 卒零例 災例 盟會例 相遇例 來朝

例 國使來例 蒐狩例 師行例 侵伐例 納例

春秋傳說例

春秋傳說例

一

降例 奔例 歸入例 以歸例 還復例 卒葬
例 內女卒葬例 世子例 大夫帥師例 大夫
奔例 大夫歸入例 殺大夫例 遂例 弗不例

公即位例

即位則書正月未即位則不書正月原註定無繼正則

書即位繼故則不書即位原註莊受命則書王不受命

則不書王原註桓無王

雩例

諸侯之雩主星辰山川天子之雩主上帝魯用天子之
禮故曰大雩也雩得雨則曰雩不得雨則書旱矣書不

雨者旱而不害物也或歷時而書不雨或逾時而書不

雨見所害也案劉敞春秋傳云一時不雨書之常也歷

不雨閔也有志乎民也附錄于此

災例

春秋記災不記火火者人所為也災者天所為也天所
為故大之而記之人所為則被其焚者火之性耳是何
足記也宣十六年宣榭災左氏以為火非是昭九年陳
災穀梁以為火亦非是

盟會例

盟會皆君之禮也故微者之盟之會不志乎春秋春秋

之所志者必有君與貴大夫居其間者也原註惡曹之
俱微者其實非微者微者不志由大夫之盟始于此故
貶稱人耳北杏之會五國人似俱微者其實非微者微
者不志由大夫之會而後盟則書會案此條有缺文
始于此故貶稱人耳會而後盟則書會案此條有缺文
云盟者何殺牲載書而約也會者何約信命事而不殺
也盟易為或言會或言及及直及也會又會也附錄于
此

遇例

公與諸侯遇志也外遇不志也其志者以我有事接之
也所以謂外遇不志者遇者小事小事不志

來朝例

諸侯朝用夷禮者名之朝而旅見者累數之禮不足者

則不言朝也原註介夷狄之君雖來而朝猶不曰朝非
以其不能朝也蓋曰不足以朝錄也

使來例

君遣再命大夫必以君使為文由大夫尊故正其名也
自一命而下微矣君不嫌使微者故不待稱君使也帥
師則不言君使者將在外君命有所不受也使有常文
自內出者皆曰如自外來者皆曰使內不言如外不言
使是謂專之原註臧孫辰乞糶其有所歸或曰來者來
然後歸也原註鄭伯使或不曰來者歸而不來也原註

齊人歸公孫敖之喪

蒐狩例

春田曰蒐因以振旅夏田曰苗因以芟舍秋田曰獮因以治兵冬田曰狩因以大閱不得其地則書之不得其時則書之桓公大閱不得其時也莊公治兵亦不得其時也大蒐者大比也

師行例

將尊師衆稱某帥師將尊師少稱將將卑師衆稱師將卑師少稱人所謂尊者三命再命卿也所謂衆者大國三軍次國二軍也

不侵伐例

不侵伐例

有鐘鼓曰伐無鐘鼓曰侵其言鄙者鄙遠之也猶曰我不受其責爾其不言鄙者我豈無過也哉過斯受之焉

納例

諸侯有相納之道諸言納者納之是也其納不正雖與師旅不得與納之名衛侯朔齊侯昭是也

降例

降者其意也降之者不得已也降者猶得其國家者也降之者雖得其國家不列于諸侯矣遷者亦然

案劉敞春秋傳云未失其國家者復見失其國家者不復見附識于此

奔例

奔例

國君以仁義為守以禮樂為教以政刑為法以賢智為輔雖有強暴孰能亡之是以春秋諸侯之奔者莫曰人逐之而曰自亡也故諸言奔者將必治其罪則正言其名正言其名有所不通是以諱所尊則曰居原註天諱所親則曰孫諱所賢則曰大去大去者將遜于位之意也

歸入例

歸者善辭也有易辭焉入者惡辭也有難辭焉為易辭者而先見所惡突歸于鄭是也為易辭者而先見所善蔡季自陳歸于蔡是也已嘗為諸侯南面稱孤矣出而

復者則曰復歸復歸者其可復也衛侯衎曹伯襄是也

其不可復雖復其位亦不言其復也衛侯朔衛侯鄭曹

伯負芻是也案劉敞春秋傳云諸侯歸可言復大夫歸

官故不可以復諸侯之言復者位未絕復可也大夫之已絕者也大夫位雖已絕入而不自某者某為之主也

在諸侯則先所自原註衛侯在京師則先所歸原註曹

師歸而名者皆在所誅也

以歸例

以歸者囚服者也國君去南面之位而囚服苟免是以賤之而名也

還復例

師行使出其反也或曰還或曰復復者事未畢也言中道而復還者事已畢也反而至之辭事畢與未畢按文可見然而聖人別而異之者義將有所施也歸父受命而聘晉聘者既反聞君之喪必復命于殯乃可謂終事矣歸父聘而反聞君之喪至禭而奔于事爲未終當日復自晉不得云還自晉也仲尼爲人之疑于歸父之未終事故曰還言歸父之家遣矣不可入入則殺殺則增君之惡其出也賢于入故以終事之辭免歸父也士匄侵齊至穀而還未終事也仲尼患人之不知義以士匄

爲未終事也故加之終事之辭所以免賢者也言是乃實終事矣

卒葬例

諸侯卒名之正也惟天子不名也諸侯卒則赴赴則必及其名以書于策所以繼世序位也其不名者彼不以名來僭天子之尊故因其事以見其僭也徐使容駒弔于邾請視含邾人以爲易于雜禮有然矣世或疑臣不當赴君之名是不然古之人不諱也卒哭而後諱其交于鬼神則臣質君之名豈嫌赴于簡策哉春秋諸侯之不以道死者皆名也其不名故也若邾人之戕鄆子者

也所以起問者決是非也天子之葬公自行公自行常
事也常事不書卿往會之非常也非常當書而卿以君
命出境亦當書故兩書之大夫往會之又薄矣彌非常
故一書而大夫或一命賤不得見經則但一書葬而已
弑君賊未討則不書葬賊既討則書葬蓋必待討賊而
後葬之也隱公不書葬比其葬時不聞討賊也桓公書
葬比其葬時魯人知殺彭生矣未逾年之王沒則書卒
不成君也不稱王不二君也未逾年之君沒則書卒不
成君也不書葬不二君也原註有子與無子同之○案
傳云諸侯屬為或卒或不卒或葬或不葬卒自外錄也
葬自內錄也不卒非外也不葬非內也葬者臣子之事

也國滅不葬無臣子也君弑賊不討不葬亦無臣子也
又桓十七年葬蔡桓侯傳云葬者稱公此其稱爵何稱
爵禮也稱公非禮也稱爵者諱之于天子者也稱公者
非諱之于天子者也又云莒不書葬其號夷也吳楚不
書葬其號嫌也附錄于此

內女卒葬例

內女嫁于諸侯則尊同尊同則記其卒記其卒則必記
其葬所以申人情也然而夫婦之道王教之本望人所
至慎其行淫其志僻雖欲申人情春秋不聽則尊其葬
鄆季姬杞叔姬是也其行潔其志貞雖均之于葬春秋
嘉之則載其諡宋共姬是也此所以正人倫之大統也
內女嫁于諸侯則書其卒或未嘗嫁而亦書其卒何也

曰許嫁矣許嫁矣則字而笄之死則以成人之喪治之
然而葬于女氏也葬于女氏則尊未全尊未全故略其
國而沒其葬也

世子例

春秋之書世子以著其正也故鄭忽稱世子蔡友稱世
子衛荆贖稱世子是皆失位者也得罪者也春秋不以
其失位而奪其號不以其得罪而削其名原其所以失
者在所不當絕故存之也

大夫帥師例

季孫行父臧孫許叔孫僑如公孫嬰齊戰于鞌四之何

也原註據凡師但書元帥四軍非禮也季孫斯叔孫州仇仲孫何

忌伐邾三之何也三軍非禮也季孫斯仲孫何忌侵衛

兩之何也兩軍非禮也然則諸侯軍制奈何大國三卿

皆命于天子次國三卿二卿命于天子小國三卿一卿

命于天子元侯之卿有軍作師以承天子諸侯之卿無

軍教衛以贊元侯原註明諸侯之卿不得立軍行曾次

國也原註一軍多矣原註雖為多然尚禮故一二軍非禮也原註

經稱作三軍明未作三軍之時已有三軍僭也四軍

悖也原註周禮大國三卿三軍然晉自武公始以一軍

稱魯不當有軍參此三者求春秋之義知周禮所言是

後世增加穆子之說為精○案是篇蓋據國語叔孫穆

子之說而謂不當有軍又據杜預左傳注而謂魯未作
中軍之前止有二軍其實費誓稱魯人三郊三遂即大
國三軍之說又魯頌公徒三萬鄭康成云大國三軍合
三萬七千五百人言三萬者舉成數也則魯之舊制非
止二軍明矣況本書師行例一條亦有次國二軍
軍語此以魯不當有軍之說為據殆未詳攷

大夫奔例

春秋大夫之奔所與也在外則字之

原註宋子
哀是矣在內則

微之

原註季子
不言奔

所賢也則為文以見其實歸父之至禮

公孫壽之自鄭是也此兩人皆有罪不得不奔然而不
以已之得罪而廢君臣之禮不怨天不尤人者也可以
訓後世矣詳其地所以賢之也

大夫歸入例

入者以惡入也歸者以善歸也加復者其位已絕矣求
自復者也記其位絕與未絕者大夫雖有故去國君不
掃其宗廟也不纍其宗族也不收其田里也出入詔于
國爵祿列于朝此之謂有禮君有禮矣然而臣猶敢行
稱亂此臣之罪也如掃其宗廟纍其宗族收其田里則
君實涼德矣是以按春秋之文而察之華亥向寧之罪
大樂盈之罪小此所以見也元咺之奔晉其位亦絕矣
故其反也曰復然咺非有甲兵之勢非有篡逼之謀也
求歸而已矣故不得言復入也

稱國殺大夫例夫浩罪累士也歸入歸而各大夫大夫

稱國殺而名大夫者罪累上也稱人殺而名大夫者大

夫罪也稱人而不名大夫者大夫無罪由眾殺之也原註

宋人殺其大夫稱國而不名大夫者大夫無罪由君殺之也原註

曹殺其大夫稱人殺而不以大夫道者非其大夫也原註

盈稱君殺者世子母弟也非殺大夫而稱公子者稱人

則為有罪稱國則為無罪原註陳人殺其公子禦寇莒

弟殺其公子意恢亦皆世子母

遂例 大夫無遂事諸言遂者皆生事也所以知大夫無遂事

者設大夫出境君命兩事則必兩書之公子遂會晉趙

盾盟于衡雍公子遂會雜戎盟于暴是也所以謂大夫

無遂事者凡遂事必因物造謀而非宿計也或遂而可

或遂而不可春秋因其可而與之因其不可而刺之公

子結媵陳人之婦于鄆遂及齊侯宋公盟著其地所以

明在境外此遂而可者也季孫宿救台遂入鄆台在境

內而擅命此遂而不可者也

弗不例

弗者詭辭也不者直辭也

此諸論論也下諸直釋也

世不

內而自命此致而不可言也

此論論論也下諸直釋也

此論論論也下諸直釋也

此論論論也下諸直釋也

此論論論也下諸直釋也

此論論論也下諸直釋也



藝海珠塵



經部春秋類

南匯 吳省蘭 泉之 輯

黃岡 宋治咸 虛旂 校

春秋或辯

許之獬篡

之獬字丘菴號蓮峯江南長洲人拔貢生官貴州餘慶縣學教諭有太僕圖集

答客問商周改時改月

乙酉之夏蓮峯許子處夫子之宮炎天閉寂讀書自適

或歷階而上揖而言曰孔子當周之世遽告顏子行夏

之時豈非以顏子有王佐之才使得君而仕即可輔成

王業革周命行夏時乎許子曰吁是何言也夫子不云

吾其爲東周乎。蓋夏以建寅之月爲歲首。商以建丑之月爲歲首。周以建子之月爲歲首。三代各取一義。至斯月舉祭告朝賀之禮。以爲一歲始朔。其四時與月原未嘗改。夫子之言。不過欲以建寅之月爲歲首。卽其作春秋本意。非謂商周改時改月。何必革周命而後可行也。或曰。子謂周未改月。春秋春王正月。傳曰。周人以建子爲歲首。非春亦明矣。乃以夏時冠周月。其說非乎。許子曰。此胡文定之悞也。文定以周改夏之月。未改夏之時。夫子作春秋。乃移夏之時。以就周之月。若然。則春秋書春王正月。春王二月。乃夏之冬。十有一月。冬十有二月。

也。春秋書春三月。夏四月。夏五月。乃夏之春正月。春二月。春三月也。春秋書夏六月。秋七月。秋八月。乃夏之夏四月。夏五月。夏六月也。春秋書秋九月。冬十月。冬十有一月。乃夏之秋七月。秋八月。秋九月也。春秋書冬十有一月。乃夏之冬十月也。移夏之時。以就周之月。是周猶未改夏之時。而夫子改之。夫子旣改夏之時。何故又以行夏之時。語顏子乎。春秋大書特書曰。春王正月。正月。建寅之月也。若謂周改夏之月。未改夏之時。則二月爲冬。五月爲春。八月爲夏。十一月爲秋。與王制二月東巡守。五月南巡守。八月西巡守。十一月北巡守。乘四時之

盛德各省其方者全不相符。名實乖違。文義背謬。曾武王周公之聖。而有是制乎。若謂春秋改夏之時。以就周之月。則春分在夏。秋分在冬。夏至在秋。冬至在春。節候全差矣。名實乖違。文義背謬。曾孔子之聖。而有是經乎。予故曰商周斷無改時改月之事。春秋斷無移時就月之事。此理本自明白顯易。不待智者而後知也。或曰。如子言。則春秋書正月無冰。二月無冰。十月隕霜殺菽。若非改月。何以不書。十有一月。十有二月。而書正月二月。又不書八月。而書十月。菽至十月。收穫已久。隕霜何至殺菽。十月隕霜。有何異事。而春秋何以必書也。許子曰。

不然。詩云。三之日納于凌陰。四之日其蚤。正月藏冰。二月獻羔祭韭。將以啓冰而用之。聖人節宣天地之氣。裁成輔相。王政之一端也。若建子丑月。非藏冰啓冰之時。雖無冰。春秋亦必不書。惟正月二月。當藏冰之時。無冰可藏。啓冰之時。無冰可啓。實王政之闕畧。見諸咎徵者。故春秋於桓公十四年春正月。特書曰無冰。又於成公元年春二月。特書曰無冰。其書十月隕霜殺菽。必定公元年十月。餘穀收穫。惟菽未收。霜隕而殺之。春秋特書於冊。所以紀菽之不登。非紀隕霜太早。若建酉之月。則五穀未熟者正多。豈止於菽。而何以獨書隕霜殺菽也。

况詩曰十月穫稻菽至十月始收自是常事夫復何疑
或曰杜預注左傳謂周人改時改月荀崧謂丘明子夏
造膝親授薛方山謂卽夫子所稱左丘明恥之者其言
豈不足信許子曰夫子所言左丘明與作傳左氏決非
一人蓋夫子曰左丘明恥之丘亦恥之玩亦字語氣何
等推尊何等謙讓猶曰竊比於我老彭之義云爾若作
傳之左氏尚未得與於七十子之列豈可混爲一人左
傳文章雖古今無兩但昔賢謂其浮誇子姑置勿論或
曰孟子曰七八月之間旱十二月輿梁成孟子之言亦
不足信乎許子曰非也孟子所謂王知夫苗蓋專指麥

苗言也中原穀食以麥爲主猶南方以稻爲主麥收於
四月種於七月七八月之間正麥苗發生之時故春秋
於莊公七年書秋大水無麥苗矧黍稷菽粟之類此時
未熟者多望雨正急安得執南方之旱稻以例中原之
稼穡乎如七八月之間雨集若是夏之五六月正陽氣
極盛大雨時行不雨則已雨則連綿滂霈洋溢橫流奚
止溝渰皆盈其涸也豈可立而待乎惟夏時之七八月
陽氣下降天地氣肅故水旋盈而旋涸此等時事愚夫
愚婦無不知之豈孟子獨不然乎其言十一月徒杠成
十二月輿梁成蓋言至此月而始成夏令曰十月成梁

用力以成之也。孟子曰：徒杠成，輿梁成，工夫成就也。輿梁工役浩繁，約兩月之久而後可成。且成梁梁成，文義各自不同，豈可混而爲一耶？或曰：夏書曰：怠棄三正，子丑之建。唐虞以前皆有之矣。何獨至於商周而疑之？且禮經孟獻子謂正月日至，可以有事上帝，非其據乎？許子曰：三正各建，歲首之月原亦稱正月。猶詩正月繁霜，四月亦稱正月之義。若謂月數與時俱改，則斷無此理。商周雖以建子丑月爲歲首，而武成稱一月壬辰，秦誓維十有三年春一月建寅之月也。春建寅月之春也。以建寅爲一月，則其餘月數未改，可知。十三年下稱春，則

爲建寅月之春可知。若周禮出最晚，昔賢謂後儒附會之書，安可執以爲據？爰考豳風曰：四月秀葍，五月鳴蜩。六月七月八月九月十月云云。周未改月明矣。或曰：公劉興於夏季，周公卽以夏之月紀公劉之事，非周不改月也。許子曰：否否。詩曰：二月初吉，四月維夏，六月棲棲，十月之交，非周人之詩乎？詩爲周人之詩，月皆周時之月。一與夏令無異。周未改月，不益彰明較著乎哉？又小雅曰：春日遲遲，卉木萋萋，倉庚喈喈，采芣祁祁。周頌曰：維莫之春，如何新畲。於皇來牟，將受厥明。曾皙曰：莫春者，春服既成，浴乎沂，風乎舞雩，使非夏令之春，何以有

遲遲之春日。萋萋之卉木。啾啾之倉庚。祁祁之采芣。耶使非建辰之莫春。麥何以將熟。奚有事於新畝。春服何以成。胡以浴沂風。零耶。周末改時明矣。魯頌曰。秋而載嘗。夏而福衡。孟子曰。春省耕而補不足。秋省斂而助不給。冬日則飲湯。夏日則飲水。若改時則福衡不必於夏。載嘗不必於秋。省耕不必在春。省斂不必在秋。冬日可不必飲湯。夏日可不必飲水。周末改時不益彰明較著乎哉。或曰。周末改時與。月子固辯之詳矣。然則所謂周以建子月爲歲首。與夫子所言行夏之時者。究竟何居。許子曰。商書惟元祀十有二月乙丑。又曰。惟三祀十有

二月朔。商以建丑月爲歲首。故元祀三祀下。卽書十有二月。周詩曰。十月蟋蟀入我牀下。嗟我婦子。曰爲改歲。周以十一月爲歲首。故十月終卽曰改歲。由是觀之。商以十二月紀元。周以十一月紀元。所謂周以建子月爲歲首也。孔子作春秋。斷以建寅之月爲歲首。每年先書春王正月。其餘月數以次序書。所謂載之空言。不如見之行事。正行夏之時之實。是故孔子曰。知我者其惟春秋乎。罪我者其惟春秋乎。孟子曰。春秋天子之事也。豈若文定謂以周正紀事。以夏時冠周月之說乎。或曰。胡傳豈無據乎。許子曰。商周改月之悞。始於序書之文。序

文識見淺陋。非孔子所作。明甚。孔安國悞信之。鄭康成據以箋詩。譌以傳譌。故胡文定據以解春秋。又疑月之起數與時不合。遂謂孔子移夏時以就周月。其意本欲牽合聖人行夏之時之語。而不覺其非也。或曰。子於傳注皆不之信。惟以一已臆說。妄解經文。不幾侮聖人之言乎。許子曰。吁。是何言也。學者讀書。當據經以正傳。不當舍經而從傳。予惟以詩書孔孟之言為斷。與春秋經文自相照合。其理明白顯易。故其餘支論皆為可廢。豈敢以已意妄解。蹈侮聖之罪。文定惟信傳太過。致啟後人紛紛聚訟。莫知所從。其害豈不更甚。而子顧以予之

尊經者為罪耶。吁。是何言也。是何言也。或始頰首唯唯。而退。因識其言如此。

附考

隱公四年秋。翬帥師會宋公陳侯蔡人衛人伐鄭。左傳曰。諸侯之師。敗鄭徒兵。取其禾而還。桓公五年秋。大雩。左傳曰。秋大雩。書不時也。凡祀。啓蟄建卯而郊。龍見建午而雩。始殺建酉而嘗。閉蟄建子而烝。過則書。又襄公十四年。左傳夏四月。晉悼公以諸侯之師。久於偃陽。荀偃士句請於荀瑩曰。水潦將降。懼不能歸。請班師。又定公四年春三月。左傳劉文公會諸侯。

於召陵謀伐楚也。晉荀寅求貨於蔡侯，弗得，言於范獻子曰：「水潦方降，疾瘡方起，棄盟取怨，無損於楚。」此傳皆時與月之未改者也。閔公二年冬，左傳晉侯使太子申生伐東山臯落氏，衣之偏衣，佩之金玦，狐突曰：「時事之徵也。今命以時，卒閔其事也。衣之龙服，遠其躬也。佩以金玦，棄其衷也。服以遠之時，以閔之。龙涼冬殺，金寒玦離，胡可恃也。」注冬十二月閔盡之時，衣之龙雜，則有涼薄之意；命以窮冬，則有肅殺之意；金屬秋方，其性剛而寒，玦如環而缺，離不相連，屬此傳與注皆時與月之未改者也。

文公十五年夏六月辛丑朔，日有食之，鼓用牲於社。

左傳曰：非禮也。

杜注得常鼓之月而莊公二十五年於社用牲為非禮。

莊公二十五年

夏六月辛未朔，日有食之，鼓用牲於社。左傳曰：非常

也。唯正月之朔，建肥，慝未作，日有食之，於是乎用幣

於社，伐鼓於朝。又昭公十七年夏六月甲戌朔，日有

食之，左傳曰：祝史請所用幣，平子禦之曰：止也。唯正

月朔，慝未作，日有食之，於是乎有伐鼓用幣禮也。其

餘則否。太史曰：在此月也。當夏四月，是謂孟夏。平子

弗從。由文十五年莊二十五年觀之，則左氏所言周

實未改月，以六月建未月朔，日食而鼓用牲於社，故

一則曰非禮一則曰非常見用幣伐鼓之爲非由昭十七年觀之則左氏引太史謂在此月也當夏四月是謂孟夏是周已改月六月建巳月朔日食平子止用幣伐鼓之爲非夫均一夏六月朔日食既以文莊之六月爲建未又謂昭公之六月爲建巳語無一定自相矛盾左氏何故悖戾乃爾吁自秦火之後雖周書周禮猶多贗作安知昭十七年之傳非漢儒改竄附會者乎

經桓公十六年冬城向左傳曰書時也經文公十二年十有二月季孫行父帥師城諸及鄆左傳曰書時

也經襄公十三年冬城防左傳曰書時也經昭公九年冬築郎囿左傳曰書時也夫農務始於春而成於秋惟冬方可以用民力孔子曰使民以時正此之謂也使春秋所書之冬非建亥子丑月之冬左傳何以曰書時乎凡此之類皆左氏之確有可信者也惟僖五年正月辛亥朔日南至冬十二月丙子朔晉滅虢昭十有七年冬有星孛於大辰等傳或爲後人改掇附會不可盡信

隱公三年周鄭交質左傳四月鄭祭足帥師取溫之麥秋又取成周之禾麥熟於四月謂之麥秋禾熟於

秋謂之秋成。取者奪彼之物。據爲已有。卽兵法因糧於敵之義。是四月取溫之麥爲建巳之月。秋取成周之禾爲建申酉戌之月無疑。杜注乃曰四月令二月秋。今之夏禾麥皆未熟。取者蓋芟踐之。豈非左傳本明白可信。而杜預故曲爲之解乎。經莊公七年秋大水無麥苗。左傳曰秋無麥苗不害嘉穀也。蓋麥苗雖被水湮沒。而此時五穀之收穫者已多。故曰不害嘉穀。杜注乃曰秋平地出水漂殺熟麥及五稼之苗。黍稷尚可更種。將麥苗二字分釋之。殊爲穿鑿附會。左傳僖公二十一年夏大旱。公欲焚巫尪。唐順之曰。

杜氏謂周之夏爲令巳。巳四月。雖旱必不爲災。何至焚巫尪。則周用夏時而爲五六月。經桓公八年春王正月巳卯。烝穀梁傳曰烝冬事也。春興之志不時也。胡文定乃曰春秋非以不時書此穀梁傳之可信。而文定不之信者也。經九月大雩。穀梁傳曰雩月雩之正也。秋大雩非正也。冬大雩非正也。以其時窮人力盡。然後雩爲雩之正。以毛澤未盡。人力未竭。未可以雩。雩之爲非正。可見雩必在仲夏。仲夏正雩雨之時。若時窮人力盡。然後雩爲雩之正。秋九月雩非雩之正。則周末改時與。

月明矣。董子曰：天道之大者在陰陽，陽爲德，陰爲刑，刑主殺而德主生，是故陽常居大夏而以生育長養爲事，陰常居大冬而積於空虛不用之處，以此見天之任德不任刑也。又曰：春者天之所以生也，仁者君之所以愛也，夏者天之所以長也，德者君之所以養也，霜者天之所以殺也，刑者君之所以罰也。由此言之，天人

之徵古今之道也。又曰：道者萬世無弊，弊者道之失也。先王之道必有偏而不起之處，舉其偏者以救其弊而已矣。三王之道所祖不同，非其相反，將以救溢

扶衰所遭之變然也。改正朔，易服色，以順天命而已。其餘盡循堯道，何更爲哉？故王者有改制之名，無變道之實。由此觀之，春日萬物發生，故曰春者天之所以生也。若以建子丑月爲春，此時風氣感發栗烈，安得生育？夏日萬物滋長，故曰夏者天之所以長也。若以建卯辰月爲夏，此時草木方萌，柔脆寧遂，養長。改正朔，謂以建子丑月爲歲首也。王者有改制之名，卽改正朔，易服色也。無變道之實，卽春夏秋冬四時與月數仍無改易，所以順天命而循堯道也。董子深明天人之理，爲古今大儒，且係漢武初時人，其言若此。

此以理推之。而知其無改時改月之事者也。史記秦始皇三十七年。書十月癸丑。始皇出遊。十一月行至雲夢。繼書七月丙寅。始皇崩。九月葬驪山。秦二世二年。下卽書冬。陳涉所遣周章等三年。先書冬。趙高爲丞相。繼書夏。章邯等戰數卻。後書八月。趙高欲爲亂。秦以建亥月爲歲首。故先冬而後春。始十月而終九月。是秦仍周舊。但以十月爲歲首。未嘗改時改月也。

又漢元年。先書十月。沛公兵遂先諸侯兵至灞上。次書十一月中。項羽果率兵西。次書四月。兵霸戲下。是

漢仍秦舊。以十月爲歲首。而未嘗改月也。

又十年。先書十月。淮南王黥布。次書春夏無事。

七月。太上皇崩。夫先書十月。是以十月爲歲首也。次

書春夏無事。是以十月爲冬。而以建寅至建未月爲

春夏也。次書七月。太上皇崩。是以七月爲秋也。是漢

仍秦舊。原未改時也。

又十二年。先書高祖已擊布軍。次書高祖自布軍至

長安。次書十二月。高祖曰。次書二月。高祖使樊

噲周勃。又孝文帝元年。先書十月庚戌。次書十

二月上曰。次書正月。有司。次書三月。有司。

云。二年。三年。皆先書十月。次書十一月。次書十二月。次書正月。三月。四月。又十四年。先書冬。匈奴云。次書春。上曰云。又孝景帝紀。皆先書冬。次書春。先書十月。十一月。十二月。次書正月。二月。三月。四月。等。腐遷。武帝時人。以漢初之歷。紀漢初之事。俱鑿鑿可據。漢仍秦舊。以十月爲歲首。原未改時改月。則周以建子月爲歲首。原未改時改月。無疑。此俱以事考之。而知無改時改月之事者也。

古詩十九首。其第七首云。玉衡指孟冬。李善註曰。上云。促織下云。秋蟬。明是漢之孟冬。非夏之孟冬矣。漢

書曰。高祖十月至灞上。故以十月爲歲首。漢之孟冬。今之七月矣。又楊用修亦引此詩。以爲商周秦漢改時改月之証。再古詩第十七首云。孟冬寒氣至。北風多慘慄。諸家皆無註。豈非以第七首之孟冬爲七月。而此首之孟冬。若仍註七月。則寒氣至。北風夜長等語。俱說不去。若直註建亥月之孟冬。又與前註建申之孟冬。自相背謬。故不下註脚。而以含糊了事耶。獨不思漢書曰。高祖十月至灞上。秦以建亥之月爲歲首。若云秦改時改月。則十月爲建申之月也。高祖十月至灞上。是以建申之月至灞上也。又云。故以十月

爲歲首。若漢又改時改月。以秦建申之十月爲歲首。則是以建申月爲正月。建酉月爲二月。以冬爲春。以夏爲冬。漢之孟冬。又當在建巳之月。而不在建申之月矣。有是理乎。須知漢書所言高祖以十月至灞上。實以建亥之十月至灞上。故以十月爲歲首。實以建亥之十月爲歲首。非更有所改易也。予又考漢書太初元年。造太初歷。以正月爲歲首。謂太初元年。公孫卿壺遂。司馬遷等共議用夏正。以夏之正月爲歲首。非謂復以建寅之月爲正月也。其言用夏正。以正月爲歲首。則商周秦漢仍以建寅月爲正月。可知不言

復以建寅月爲正月。則商周秦漢原未改月。可知。若此詩之第十七首所言孟冬爲今之十月。孟冬無疑。其第七首所言孟冬爲建申之月。無疑。旣以建亥月爲孟冬。又謂建申月爲孟冬。作詩者何故牴牾。乃爾不知玉衡指孟冬。冬字乃秋字之訛也。後人泥周改月之說。牽強附會。誠不知所言孟冬寒氣至者。又果何說乎。正孟冬冬字爲秋字之訛。而詞義俱明矣。封禪書秦以冬十月爲歲首。故常以十月上宿郊見。夫不曰十月而曰冬十月。則十月爲建亥之十月。原未改冬爲春。可知。不曰以正月上宿郊見。而曰常以

十月則止以十月爲歲首。原未改十月爲正月可知。袁了凡先生羣書備考論曰：以歷法推之，昭七年日食於豕韋之末，降婁之初。若周果不改月，自應食在二月矣。昭三十有一年，十有二月辛亥朔，日食在鶉尾。今以歷推之，若不改月，自應在十月食矣。此不過象緯星歷家言，况自太初歷以後，至今不過千餘年，已經四次更定，中間差謬處頗多，安得執此爲據。且詩書經文明白具在，不肯一信而信此紛紛之論耶。又引豳風之詩曰：豳風謂七月流火，十月改歲。此周人改時與月又可考於詩人者也。嘻！先生博極羣書。

何以明於遠而遺於近，索其細而忽其大也。七月之詩，自一之日至四之日，自四月至十月，一年之月皆備。皆係夏正先生一句都不信，獨引十月改歲爲周人改時與月之証，殊不知詩止言改歲，並未言改冬爲春。改十一月爲正月，與周人改時與月之說有何干涉。而引以爲據乎。且旣謂周人改十一月爲正月，改十二月爲二月，改正月爲三月，又謂十月終卽改歲，則自正二三月歷數至十月終，是周人一年屈指止有十個月，每年竟少卻兩個月矣。尤可發笑。余宰黔之餘，慶與學博蓮峯許先生交最善，因得讀

其太樸園集詩宗盛唐古文似歐曾而於辯證之學尤精類劉原父薛尚功余所見南北之士未能或之先也既又出春秋或辯一編示余余觀周末改時與月前賢辯之屢矣第謂時月竟未之改吾夫子語顏子以爲邦何又曰行夏之時私心懷疑久之今先生著辯曰夏以建寅之月爲歲首商以建丑之月爲歲首周以建子之月爲歲首三代各取一義至斯月舉祭告朝賀之禮以爲一歲始朔時月原未嘗改夫子之言不過欲以建寅之月爲歲首誠發前人所未發一破千古之疑一定千古之案而余胸懷數十年之

疑渙然冰釋矣余因益以服先生之學考据精確其言足羽翼經傳有功聖門匪獨文辭淹洽已也爰泚筆而書其端若此康熙丙午夏長洲蔣深叙

華而得其誰味也

自以... 賦與... 余... 益... 明... 其



藝海珠塵



經部春秋類

南匯吳省蘭泉之輯

金山王元字士昂校

春秋左傳分國土地名

沈淑纂淑字季和號立夫江蘇常熟人雍正癸卯進士官翰林院編修著有經典異文

補註疏瑣語

周

隱公

成周洛陽

瓦屋周地

周采地扶風雍縣

東北有周地

温今河內

原在沁水

緝在野王

樊縣西南有陽城

縣西南有陽城

隰郟

藝海珠塵

左傳土地名卷一

在懷縣 攢茅 縣在修武 向 輒縣西有 盟 今盟 州 西南 今州 際 關 隕 縣在修武 懷 今懷縣以上十二邑皆 屬郡餘皆 屬河內

桓公

雒邑 今河南 邲城 邲王

莊公

單 采地 夷 采地 圍門 酒泉 周 樊 采地

僖公

伊川 周地伊 召 采地扶風雍縣 甘 河南縣西南有 水也 東南有召亭 陽樊 見 隰城

邑 坎飲 周地在河 原毛 皆采 陽樊 見 隰城

翟泉 今洛陽城內大 倉西南池水也

文公

邲垂 周地河南新城 縣北有垂亭

宣公

雒 雒水出上雒冢領山 邲 鄆 今河南 劉 王季子食 至河南鞏縣入河

成公

郵 周 邲田 鄆温別邑今河內懷 縣西南有邲人亭

襄公

轅 轅關在緱 平時 周 氏縣東南

昭公

左傳土地名卷一

維汭 在河南南 閻田 周 頰 周 郊 周 甘鹿 周 皇 南

鞏縣 西南 北山 洛北 榮錡氏 河南鞏縣 要餞

有黃亭 周 領地 周 圃車 周 前城 周 東園 洛陽東

社地 周 陰侯氏 周 谿泉 鞏縣西南 解 洛陽西南

解任人 京楚 鄒 河南鞏縣 牆人 周 直人 周 平陰 今河南

澤邑 鞏縣西南 訾 周邑在河南 唐 周 西闡 周 尹 之尹氏

阪道 南蒯鄉 尹道 左巷 乾祭 北門 瑕 周 杏 周 蒯 河南

是也 南蒯鄉 鄔 有鄔聚 乾祭 北門 瑕 周 杏 周 蒯 河南

訾城 是也 鞏 周 尸氏 在鞏縣西 施谷 周 渠 周 關塞 洛陽

褚氏 洛陽縣南 崔谷 胥靡滑 皆 周地 鄭地 周 關塞 洛陽

西南伊 芑 周 圉澤隄上 皆周 鄩 周

定公

馮負黍 陽城縣西南 狐人 闕外 姑猶

周地 儀栗 周 窮谷 周 穀城 在河南 簡城 周 伊闕

魯

隱公

蔑 姑蔑魯地魯國 郎 魯邑高平 潛 魯 唐

高平 武唐亭 棠 今高平 防 魯地 中邱 在琅邪

北有 許田 近許 之田 防 魯地 鄧 魯 莒 魯

在泰山 梁 父縣 南 防 魯地 鄧 魯 莒 魯

桓公

謹魯地濟北蛇正

魯地高平鉅野

縣南有成亭

莊公

莒魯地琅邪繒

乘北地魯

郟魯邑諸魯邑今

薛魯邑秦北有秦亭

閔公

祝正地魯

闕魯地東南

奚魯地

洙北水在魯城

零門魯南

魯濟濟水歷齊魯界在齊界

穰門魯南

逵泉魯地

成魯地在泰山

鉅平縣東南

曲池魯地魯國汶

生竇魯地

濟西之水

洮魯地

遠泉魯地

咸正

曲池魯地魯國汶

曲池魯地魯國汶

長勺魯地

洮魯地

遠泉魯地

密魯地琅邪費縣

僖公

方與縣東有泥

母亭音如甯

改名高門魯

人相傳云然

文公

田分曹地後以賂齊濟水自滎

城陽東過魯之西至樂安人海

門邾魯所爭者城陽姑幕

夷魯地

兩社周社

南門本名稷門更高大

南門之改名高門疏云

昌衍之上魯縣東南

重館高平城

濟西

子駒之門魯

句鮑戾正地皆魯

左傳土地名卷一

宣公

平陽今泰山有平陽縣

笙魯竟外

蜀魯地泰山博縣西北有蜀亭

成公

龍魯邑在泰山博縣西南

巢北陽橋地魯

棘汶陽田之邑在齊北蛇止縣

中城魯邑在東海廩北縣西南

壤隕地魯

郚魯西邑東郚廩北縣東有郚城

襄公

五父之衢在魯國東南

台琅邪費縣南有台亭

遇魯地海陘魯隘

桃卞縣東南有桃虛

陽關在泰山鉅平縣東

旅松近防

武城縣魯

鹿門之關魯南城東門

高魚廩北縣

亳社

陽州魯地

昭公

庚宗魯地

蚡泉魯地

塞關齊魯界上關

菜柞二山

紅魯地沛國蕭縣西有紅亭遠疑

根牟魯東界琅邪陽都縣有牟鄉

比蒲泉

止魯地

昌間沂上魯城南自

桐汝魯縣西南入泗水

水大沂水出蓋縣南至下邳入泗

邱在東平無鹽縣東南

炊鼻魯地

且知地近郚

定公

少皞之虛曲阜也在魯城內

東野季氏周社

萊門陽關邑門

棘下城內地名

龜陰田泰山博縣北有龜陰田在其北也

莒父魯邑

哀公

啟陽今琅邪

陽縣西北

有瑕北城

之溝地名

泰山南

西北有輿城

齊

石門齊地或曰濟北盧縣

東南有艾山

贏山贏縣

毗在東平

邾北有邾婁城

東陽五梧蠶室

平陽西平陽高平

大野在東平

盧齊地今濟北

艾泰山

桓公

黃齊地

樂水在濟南歷

負瑕魯邑高

黨氏

止輿

孟武之衢

陵阪

艾

盧

艾

艾

艾

莊公

禚齊地

止齊地

堂阜齊地

柯齊地

井齊地

落姑齊地

僖公

陽穀齊地

燕齊地

穀齊地今濟

樂安博昌

東莞蒙陰

阿齊地

阿齊地

阿齊地

阿齊地

阿齊地

阿齊地

葵齊地臨淄縣西

乾齊地

時齊地

阿齊地

阿齊地

阿齊地

阿齊地

阿齊地

阿齊地

姑葵

時

北杏

小穀

小穀

小穀

小穀

小穀

小穀

縣西有地名鄗下

文公

周首之北門 周首齊地濟北穀城縣西北有周首亭

鄗北地

申池南

城西門名申門齊城無池惟此門左右有池疑此即是

宣公

平州 齊地在泰山牟縣南

垂地

斂孟

成公

鞌地

袁婁 穀梁爰婁去齊五十里

莘地

靡笄山

華不注

名山

華泉

徐關

石窰 邑名濟北盧縣東有地名石窰

止輿馬陸

地皆齊

襄公

東陽 齊境上邑

郚外 郚水

京茲 在平陰

邾 齊所滅

平陰 在濟北盧

巫山 在盧縣東北

東閭 齊東

邾 平陰

雍門 齊城

門 齊西

東閭 齊東

邾 平陰

雍門 齊城

北至北海都昌縣入海沂水

祝柯 今屬濟

督揚 祝

出東莞蓋縣至下邳入泗水

灑藍 齊地

重工 齊地

棠 齊地

士孫之里 因名里

廩 今東郡廩丘縣故

崔 濟南東朝陽縣西北有崔氏城

魚里

嶽 里

邽 齊別

莒 齊東

寧風 齊地

稷 祀后稷

鹿門 齊城

棘 子山

齊地

左傳土地名卷一

七

國西安縣東 有穀里亭 夫于 濟南於陵縣 渠北 今齊國西安

澠 澠水出齊國臨 聊攝 齊西北有平原聊城 姑九

齊東界姑水尤水皆 沛 澤 稷門 齊城 野井 祝阿

縣東有 澠 澠水出泰入汶 縣東北有攝城 野井 祝阿

定公 齊西界 夾谷 即祝 祝其

禚媚杏 齊西界 夾谷 即祝 祝其

哀公 齊西界 夾谷 即祝 祝其

萊 齊東 賴 齊 甸竇之北 駘 齊 艾昌 齊地 潞

邑齊 鄒 齊 賴 齊 甸竇之北 駘 齊 艾昌 齊地 潞

清 齊地濟北盧縣 博 屬泰 舒州 豐 陳氏

郭關 齊關 彤 蒙 在東莞蒙陰縣 顧 齊地 舟道 齊地

犁 止 陽 留 舒 齊地 濮 濮水自陳留酸棗縣傍河 入濟

晉 留 舒 齊地 濮 濮水自陳留酸棗縣傍河 入濟

隱公 曲沃 在河東 翼 晉舊都在平 隨地 晉 鄂 晉別

桓公 曲沃 在河東 翼 晉舊都在平 隨地 晉 鄂 晉別

條 晉地 千畝 西河介休縣南 陘庭 翼南 汾隰 汾水

莊公 條 晉地 千畝 西河介休縣南 陘庭 翼南 汾隰 汾水

聚 晉 絳 晉所都今平 東關 蒲 今平陽 二屈 今

陽北屈縣或 云二當為北 東關 蒲 今平陽 二屈 今

左傳土地名卷一

閔公

東山 疏在晉東

僖公

新城

沃

采桑

平陽北屈縣西

高粱

晉地在平陽縣西南。按高粱

傳注

三見此係八年注十五年注云揚氏縣

西南二十四年注云揚縣西南未知孰是

下國

沃

新

韓地

沙鹿

平陽元城縣東有

河外列城五東

盡

魏畧南及華山內及解梁城

東盡魏畧解梁城今河

東解縣華山在

宏農華陰西南

韓原

陰

采於陰

食

河東

狐厨

受鐸

昆都

晉三邑平陽臨汾

汾

原南入河

蒲城

蒲

令狐

桑泉

解縣西北有狐谷亭

白衰

解縣東南

廬柳

郇

解縣西北

原屏樓

三邑

縣上

有地名縣上

南陽

有郇城

晉侯朝王與之陽樊温原攢茅之田晉

於是始故南陽在晉山南河北故曰南陽

被廬

晉地

河陽

晉地今河內

表裏山河

而內山

焦瑕

外五

城之

清原

河東間喜縣

殺

池

二陵

在此道

殺之間南谷中谷深委曲兩山相嶽故可以避風雨古

道由此魏武帝西討巴漢惡其險而更開北山高道

箕

太原陽邑縣

冀

晉邑

文公

茅津

在河東大

甯

晉邑汲郡

夷

晉地

王官郊

皆晉

董

縣有董亭

郟

地

郟首

當與刻首相

接

武城

晉取之

接

武城

晉取之

北徵

河曲

坂在河東

蒲

羈馬

邑

左傳

土地名卷一

久

璦璦桃林之塞

於秦為在

黃父

襄晉地

條晉鄭

諸浮

魏北縣

宣公

焦外邑

陰地

洛以東至陸渾

首山

坂縣東南

桃園

懷

邢止

平阜縣

向陰

父即黃

黑壤

上見董

澤北

河東聞喜縣東

清原

一名清

曲梁

今廣平

輔氏

地晉

稷

縣西有稷山

雜地

瓜衍之縣

斷道地

卷楚道

野王今屬

苗食皇

隨

范

成公

赤棘

地晉

邢邑

梁山

馮翊夏

垂棘

地晉

故絳

晉復

田為絳故

郇瑕氏之地

郇瑕古國名河東

新田

今平

謂此絳

桑田

邑晉

保城

涑川

涑水出河東

新田

今平

箕郃

苕止

地晉

虛滑

滅時屬

晉後屬周

襄公

瓠止

晉地河東東垣

長檮

晉近城

雞澤

在廣平曲

著雍

地晉

欒

溴梁

溴水出河內

軹縣

長子

純

留

二縣今皆

梗陽

晉邑在太原

柯

魏郡內黃縣

孟門

道晉隘

著

雍榆

縣東有雍城

朝歌

今屬

少水

東陽

之晉

太行

在河內

熒庭

地晉

鄆郟

邑晉

揚

屬平

縣

山東魏郡

廣平以北

鄆邑

木門

邑晉

焦

在陝

揚

屬平

縣

任晉縣今屬廣平

昭公

大鹵陽縣晉

大原即大鹵

大夏今晉陽縣

汾川中都

晉邑在西南

州本屬溫趙氏邑卻稱始受州

魏

介休縣東南

戲陽魏郡內黃縣

西河

榆地晉魏郡斥止

平陵塗水

西河

乾侯縣在魏郡內

平陽

塗水

次原榆馬首

孟大原縣

平陽

楊氏平陽楊

汝濱晉取陸

平陽

大陸禹貢大陸在鉅鹿北嫌絕遠

平中地晉夏虛大

今大原

五氏地晉

中牟今滎陽有非中牟

邯鄲廣平

寒氏即五

晉陽趙鞅

河內今河內

牽魏郡東

北有牽城脾上梁之間

百泉

哀公

五鹿邑晉

棘蒲上雒菟和菟上雒東

倉野在雒縣

臨邑晉

欒郟逆時陰人壺口

冠氏陶陽平館

棘縣西北即高邑

柏人晉邑今趙

冠氏陶陽平館

英北

衛

隱公

清衛邑濟北東
縣東北有清亭
有垂亭
是也
犬止
垂也地有兩名武釋例曰若一垂陰地陽
楚止
在濟陰城
垂

桓公

越地名垂
蒲
衛地在陳留
桃止
衛地濟北東阿
莘
西北有莘亭
首止
縣東南有首鄉

莊公

鄆
郡甄城
城濮
地衛

閔公

榮澤
此榮澤當在河北疏云禹貢豫州榮波既緒導沈
水入于河溢為榮是榮在河南此時衛都河北為

狄所收乃東徙渡河故知此榮澤當在河北但沈水入
河乃洗被河南多故專得榮名其北雖少亦稱榮也

共勝
皆衛
曹
邑衛下

僖公

鹹
縣衛地東郡濮陽
匡
長垣地在陳留
菟園
管
管
管

五鹿
鹿陽平元城縣西北有地名五鹿
南河
斂孟
地衛

襄牛
地衛
有莘之虛
國有莘故
宛濮
陳留長垣縣西

水
帝止
今東郡濮陽縣
故帝顓頊之虛

文公

戚
止衛邑在頓
宣公

清衛地今在濮陽縣東南

成公

新築衛地 鞫居地衛

馬陵衛地陽平元城縣東南有地名馬陵

襄公

工官近戚地

澶淵在頓北此衛地又近戚田

茅氏戚東鄆

圍地衛

懿氏有懿城西北五里以名

廩丘

羊角今廩丘縣所治

羊角城是

昭公

平丘在陳留長垣縣西南

平壽衛下邑

蓋獲之門衛郭門

闕門

衛城

馬路之衢

死鳥地衛

彭水

鐵在戚城南

鐵上名鐵丘

犁衛邑

外州衛邑

巢鄆少

禘以上皆地

河上戚也

平陽東郡燕縣東有平陽亭

昆吾之虛

今濮陽中

冷近魯邑

城鉏近宋邑

外里

平莊名陵

鄭在滎陽宛陵縣西南

隱公

武父衛北畧

有閭之土衛朝宿邑蓋近京畿

相土之東都衛湯沐邑

殷虛朝歌也

豚澤

瓦衛地東郡燕縣有瓦亭

曲濮地衛

鄆澤地衛

哀公

鄆今潁川制今河南成臯京鄭邑今滎廩延鄭邑

陳留酸棗縣城潁地鄭長葛潁川長葛社縣妨鄭祀

北有延津時來有蓬城鄭地也邾鄭地鄆二邑鄭鄆二邑鄭鄆二邑鄭

費縣東南氏縣西南聚西北有劉亭焉邾邑鄭狐壤鄭地鄆二邑鄭鄆二邑鄭

桓公

繻葛鄭地祭鄭地陳留長垣武父鄭地陳留濟陽縣

渠門鄭城牛首鄭邑樂鄭別都今河周氏之汪

汪池也

莊公

滑鄭地在陳留鄆鄭邑大陵鄭地弭鄭地虎牢制

扈鄭地在滎陽卷桔株之門鄭遠郊純門鄭外

達市郭內道桐許昌縣東北信公

信公

新城鄭新密今新密鄭地今滎柯澤鄭地汜鄭南汜也在

踐土鄭地衡雍鄭地今滎函陵鄭地汜南此東汜也在

鄆城故鄆國在滎文公

縣訾在潁川新垂隴鄭地滎陽縣暴鄭地申

狼淵潁川有狼陂莒鄭地儵晉鄭

宣公

裴林鄭地 柳琴鄭地 管北有 穎北有 北林有 敖陽 邨地 皇門在 南里

鄭地 鄭地 鄭地 鄭地 鄭地 鄭地 鄭地 鄭地 鄭地 鄭地

東陽縣 鄭地 鄭地 鄭地 鄭地 鄭地 鄭地 鄭地 鄭地 鄭地

成公 伯牛鄭地 鄭地 鄭地 鄭地 鄭地 鄭地 鄭地 鄭地 鄭地

伯牛鄭地 鄭地 鄭地 鄭地 鄭地 鄭地 鄭地 鄭地 鄭地 鄭地

鄭地 鄭地 鄭地 鄭地 鄭地 鄭地 鄭地 鄭地 鄭地 鄭地

縣北有 鄭地 鄭地 鄭地 鄭地 鄭地 鄭地 鄭地 鄭地 鄭地

暴隧 鄆陵鄭地 繞角鄭地 修澤有 鳴雁在 高氏在 督揚地

地 鄭地 鄭地 鄭地 鄭地 鄭地 鄭地 鄭地 鄭地 鄭地

曲洧今新汲縣治 制田東有 柯陵鄭地 高氏在 督揚地

襄公 鄭地 鄭地 鄭地 鄭地 鄭地 鄭地 鄭地 鄭地 鄭地

鄭地 鄭地 鄭地 鄭地 鄭地 鄭地 鄭地 鄭地 鄭地

鄭地 鄭地 鄭地 鄭地 鄭地 鄭地 鄭地 鄭地 鄭地

鄭地 鄭地 鄭地 鄭地 鄭地 鄭地 鄭地 鄭地 鄭地

鄭地 鄭地 鄭地 鄭地 鄭地 鄭地 鄭地 鄭地 鄭地

鄭地 鄭地 鄭地 鄭地 鄭地 鄭地 鄭地 鄭地 鄭地

鄭地 鄭地 鄭地 鄭地 鄭地 鄭地 鄭地 鄭地 鄭地

鄭地 鄭地 鄭地 鄭地 鄭地 鄭地 鄭地 鄭地 鄭地

鄭地 鄭地 鄭地 鄭地 鄭地 鄭地 鄭地 鄭地 鄭地

鄭地 鄭地 鄭地 鄭地 鄭地 鄭地 鄭地 鄭地 鄭地

羊肆 鄭地
斗城 鄭地
酸棗 陳留縣

昭公 鄭地
薰隧 閩門外道名
雙陽 屬南陽
邲 屬南陽

周氏之衢 鄭地
菟氏 鄭地
索氏 河南成臯縣東有大索城
圉 鄭地
柎

鄭地 鄭地
桑山 鄭地
時門 鄭城門
洧淵 潁川有閭亭

崔苻之澤 鄭地
定公 鄭地
圃田 鄭藪名
百泉 鄭地

哀公 鄭地
彌作 鄭地
頃丘 鄭地
玉暢 鄭地
鬲 鄭地
弋 鄭地
錫 宋鄭之間隙地以上凡六邑

邢 在廣平襄國縣
僖公 邢地
聶北 邢地
夷儀 邢地

左傳土地名卷一

左傳土地名卷一

藝海珠塵

南匯 吳省蘭 泉之輯
仁和 張巽 佩三校

春秋左傳分國土地名卷二

沈公淑簞

宋今梁國
睢陽縣

隱公

黃宋邑陳留外黃
縣東南有黃城

菅地宋

郟濟陰城武縣
東南有郟城

防高平
昌邑

西防城
老桃地宋

桓公

稷宋地穀宋地虛宋地龜宋地句瀆之宋地盧

門宋城襄宋地在沛國西南

莊公

蒙澤宋地梁宋地蕭宋邑今沛

地宋梁宋地在昌平西南

僖公

檉宋地陳國陳縣

蔡宋地陳留外黃縣東有蔡

近宋地臨淄故釋

社宋地東夷

榮宋地即

次睢之社

孟宋地汝陰

孟宋地鹿原

貫宋地梁國蒙縣西北

薄宋地昌邑縣東

緡宋地昌邑縣東

緡宋地昌邑縣東

南有東 緡城 孟諸 在梁國睢陽縣東北

文公

承筐 宋地 在陳留襄邑縣西

長宋地

彰門

新城 宋地 在梁國穀熟縣

宣公

大棘 在陳留襄邑縣南

成公

睢上 睢澨 澨水

沙隨

縣北有沙隨亭

洧陂 夫渠

沟陵 皆宋地

彭城 宋邑 今

朝郟 郟幽

郟幽

郟幽

夷

庚宋地于彭城 欲以絕吳晉之道

彭城 宋邑 今

朝郟 郟幽

朝郟 郟幽

朝郟 郟幽

曹門

襄公

呂留 二縣今屬

訾母 宋地 桐門

門 宋城

昭公

南里 宋城內

之門 宋城

新里 宋邑

老 宋地

定公

犬止

楊梁

橫 梁國睢陽縣

廚 宋邑

赭 宋地

鴻口

曲棘

舊鄆

楊門

棘

桑林

譙國

睢陽

睢陽縣

睢陽縣

陳留外黃縣

舊鄆城也

睢陽正

陳留外黃縣

鄆縣

睢陽縣

睢陽縣

睢陽縣

陳留外黃縣

北有

商

舊鄆城也

睢陽正

陳留外黃縣

商

商

睢陽正

睢陽正

陳留外黃縣

宋地

宋地

睢陽正

睢陽正

陳留外黃縣

哀公

雍 雍縣

逢澤 在滎陽開封

縣 東遠疑非

地 名空桐

杞 本都陳留雍

于 杞又遷都淳于

年 杞以并之遷都淳于

僖公

緣陵 杞邑避淮夷

唐孟

曹 八年宋滅

鞏 向

薄 宋邑

空澤 宋邑

逢澤 地理

空桐 梁國

推尋事跡

于僖十四年

又遷緣陵

襄二十

年

公亡國

宣公

無婁杞邑

襄公

淳于

陳今陳國陳縣

隱公

濮陳地水名

僖公

焦夷

焦今譙縣夷一名城父今譙郡城父縣皆陳邑

文公

壺丘陳邑

宣公

辰陵

陳地潁川長平縣東南有辰亭

栗門

陳城門

成公

鳴鹿

陳國武平縣西南有鹿邑

哀公

大冥

陳地

吳今吳郡

襄公

鳩兹

吳邑在丹陽蕪湖縣東今臯夷也

衡山

在吳興烏程縣南

臯舟之隘

善舟朱

左傳土地名卷二

吳險阨東雲婁今屬安朱方吳延州來季札

昭公

房鍾地吳

大定公

橋李吳郡嘉興縣李城 陘去橋李七里

哀公

夫椒吳郡吳縣西南 城邗溝通江淮 于邗江築城穿

湖西北至宋口入淮通 桐汭宣城廣德縣西南有桐

湖糧道也 頽黃吳地 笠澤

楚今南郡江陵縣

桓公

漢東 沈鹿楚 漢淮之間正義曰漢淮南 郊郢楚

彭彭水在新南 鄢鄢水在襄陽 荒谷 冶父地皆楚

荆亦楚 澆澆水在義陽厥縣 漢謂漢西疏云

那處楚地南郡那口城 涌涌水在南 津楚地或曰江

湫南郡那口城 父室地名

僖公

陘楚地潁川召陵 召陵潁川 方城方城山在南

漢水出武都至江 武城楚地在南 郢都楚 析楚邑

漢水夏南入江 左傳土地名卷二

白羽今南人

鄉析縣

文公

阜山

句澐

宣公

葉陽

夢中

夏州

成公

睽楚

期思

陽止

隘隰

輟陽

烝野

滑內

浦胥

為楚

申息

商密

選地

阪高

阜濟

沂

州來楚邑淮南下

汝陰之田近鄭地

襄公

焦夷

坂

昭公

犍邾

楚鵲

皆楚

界

呂楚

瑕地

巢駕

庸浦

汾

夏

羅

萊

章

左傳

新石

四

棠

湛

棘

麻

瑣

南

懷

汶

山 穎尾 在穎水之尾 蔡 荆山 在新城 棘闈 棘里名 息舟 楚邑 魚

陂 竟陵縣城西 訾梁 漢別 棘闈 棘里名 豫

章 師定二年楚人伐吳師于豫章又柏舉之役吳人舍舟而潛

淮 汭而自豫章與楚夾漢皆當在 宗止 楚地 長岸 楚地

陰 南鄉郡今屬 下陰 城父 今襄城 雞父 楚地 安

有雞 遠 澁 地 楚 閩 陽 地 楚 州 屈 止 皇 卷 南 陽 葉 在

南 縣 潛 六 縣 西 南 廬 江 沙 汭 沙 水 養 邑 楚 胡 田 子 故 胡 地

夷 城 父 六 邑 楚 南 岡 城 口 三 隘 道 小

柏 舉 地 楚 大 隧 直 轅 冥 阨 東 隘 道 城 口 三 隘 道 小

別 大 別 禹 貢 漢 水 至 大 別 南 入 江 清 發 水 雍 澁

睢 睢 水 出 新 城 昌 魏 縣 入 江 雲 中 所 謂 江 之 夢 稷 沂 皆 楚

軍 祥 地 楚 麋 地 楚 公 婿 之 谿 楚 地 成 白 江 夏 竟 陵 縣

屈 山 西 南 入 漢 脾 洩 邑 楚 都 成 白 有 白 水 出 聊

哀 公 負 函 繒 關 皆 楚 豐 析 南 有 豐 鄉 皆 楚 邑 少 習 商 縣

也 白 縣 楚 邑 汝 陰 褒 信 三 戶 北 三 戶 亭 鄆 邑 楚

許 昌 縣 許 成 公 展 陂 地 許 鉏 任 泠 敦 之 田

左 傳 土 地 名 卷 二

七

襄公
械林函氏地皆許

昭公

白羽析子傳時白羽改為析

定公

容城

秦

僖公

雍秦國都王城秦地馮翊臨晉縣東有王城今名武鄉

文公

彭衙馮翊郃陽縣西北有彭衙城

成公

涇涇水出安定東南經扶風京兆高陸縣入渭新楚

汪邠新城秦邑

少梁馮翊縣

麻隧秦地侯麗秦地

襄公

械林秦地

蔡今汝南上蔡縣

桓公

鄧潁川召陵縣西南有鄧城

莊公

莘地

成公

桑隧汝南朗陵縣東南有桑里在上蔡西南

蔡昭公

鄆陽蔡邑也

曹今濟陰定陶縣

僖公

洮地曹地濟西田

襄公

重丘

曹邑

玉派

少

昭公

鄭曹邑

定公

郊曹邑

哀公

黍丘梁國下邑縣西南有黍丘亭

莒今城陽莒縣

隱公

密莒邑城陽淳于縣東北有密鄉

僖公

左傳土地名卷二

左傳土地名卷二

九

向莒地東海承縣東南有向城遠疑也

文公

鄆陵莒邑

成公

渠工莒縣有五

鄆莒別邑

襄公

且于莒邑

壽舒莒邑

蒲侯氏莒近

介根莒邑今城陽黔

是城

昭公

大厖常儀靡莒二邑

郟莒邑

牟婁

防茲城陽平昌縣西南有防亭

姑幕縣東北有茲亭

鄆

紀鄆莒邑東海贛榆縣東北有紀城

壽餘莒地

紀劇縣在東莞

隱公

浮來

紀邑東莞縣北有邳鄉邳鄉西有公來山號曰邳來問

莊公

邾鄆

邾在東莞臨胸縣東南部在朱虛縣東南北海都昌縣西有訾城

鄆紀邑在齊國東

安平縣

邾今魯國鄆縣

隱公

翼邾地

燕海未

左傳土地名卷二

十

僖公

偃地邾 虛地邾

魚門邾城

訾婁

文公

繹邾邑魯國鄒縣有繹山

襄公

狐貽邾地魯國番縣東南有月台亭

鄒水出東海合邾縣西南經魯國至高平湖陸縣入泗

漆閭二邑在高平南平陽縣東北有顯閭亭

昭公

蟲邾邑 離姑邾邑

濫東海昌慮縣

哀公

句繹邾地

絞邾邑

范門

茅高平西南有茅鄉亭

西號弘農陝縣東南有號城

莊公

玕號地 莘號地

閔公

渭汭渭水出隴西東入河

僖公

下陽號邑在河東大陽縣

桑田號邑在弘農陝縣東北

上陽號國都在弘農陝縣

東南

北燕今薊縣

昭公

號境燕 濡上 至河水出高陽縣東北

陽 即唐燕別邑 中山有唐縣

唐

虞 在河東 大陽縣

僖公

顛軫 河東大陽縣東 北有顛軫坂

鄭虞 邑

越 今會稽 山陰縣

哀公

會稽 上會稽山也在 越地會稽句章 縣東海中洲也

姑蔑 越地今東 陽大末縣

冥越 地

甬東

小國 附古國

隱公

宿 東平無 鹽縣

申 宛今南 陽縣

東號 今榮 陽縣

共 今汲 郡縣

夷

在城陽 莊武縣

戎

陳留濟 陽縣

向 譙國 龍亢縣

極

燕今東 郡

邲

東平有 剛父城 鄉縣

夫鍾 邲地

邲邲

滕 沛國

公北燕 縣

凡

汲郡有 凡城 東

戴 今陳 留外黃 縣

薛 魯國

薛南 息 汝南 新

桓公

芮 在馮 翊

魏 河東 河

州 淳于 州國所 都城

隨

今義陽 縣

瑕 地 隨

北戎 山

鄧 潁川 召陵 縣

藝海 卷二

左傳 土地名 卷二

三

之戎允姓之戎居陸渾在秦晉西北二國誘

頓今汝陰之伊川遂從戎號至今為陸渾縣

雍在陽縣內山 應父在襄陽城西 韓郡在河東北

原 豐 鄆 縣 在 始 東 平 蔣 在 陽 期 弋

毛 邵 郡 在 密 在 商 密 在 鄉 郡 有 燕 縣 西 有 野 王 縣 東 平

漢陽諸姬之水國在漢北者姓 介丹水縣南 夔 秭 歸 縣 平 姜 戎 姓

文公 宣公 六 今 廬 山 蓼 今 安 豐 縣 麋 防 渚

沈 汝 南 平 興 縣 有 沈 亭 六 今 廬 山 蓼 今 安 豐 縣 麋 防 渚

地 麋 錫 穴 鄭 瞞 之 後 漆 姓 風 潞 赤 狄 別 種 潞

巢 吳 楚 間 小 國 廬 江 羣 舒 有 舒 庸 舒 鳩 之 屬 今 廬 江 南

宗 羣 舒 之 屬 庸 屬 楚 小 國 舒 城 舒 鳩 之 屬 今 廬 江 南

東 有 方 城 禪 僚 魚 今 巴 東 永 安 縣 復 縣 百 濮 夷 方 城

崇 本 亦 赤 狄 邳 莒 今 東 萊 莒 縣 萊 邑 北

黎 氏 地 關 縣 有 黎 亭 甲 氏 留 吁 別 種 赤 狄

成 公 唐 昌 屬 楚 之 小 國 義 陽 安 鄉 根 牟 陽 都 縣 東 有 牟

茅 戎 徐 吾 氏 別 也 蠻 氏 戎 別 種 河 南 新 城 鄆

襄 公 黎 氏 地 關 縣 有 黎 亭 甲 氏 留 吁 別 種 赤 狄

鄉 棠 縣 有 鄉 棠 黎 氏 地 關 縣 有 黎 亭 甲 氏 留 吁 別 種 赤 狄

鄉 棠 縣 有 鄉 棠 黎 氏 地 關 縣 有 黎 亭 甲 氏 留 吁 別 種 赤 狄

鄉 棠 縣 有 鄉 棠 黎 氏 地 關 縣 有 黎 亭 甲 氏 留 吁 別 種 赤 狄

鄉 棠 縣 有 鄉 棠 黎 氏 地 關 縣 有 黎 亭 甲 氏 留 吁 別 種 赤 狄

鄉 棠 縣 有 鄉 棠 黎 氏 地 關 縣 有 黎 亭 甲 氏 留 吁 別 種 赤 狄

鄉 棠 縣 有 鄉 棠 黎 氏 地 關 縣 有 黎 亭 甲 氏 留 吁 別 種 赤 狄

有鬲今平原 樹灌樹尋樂安壽光縣東南有灌亭

過戈東萊掖縣北有過 偃陽今彭縣城東南有灌亭

瓜州戎地在宋鄭之間 舒鳩縣北有荒浦 離

城舒鳩今燉煌 鑄縣北有蛇 荒浦舒鳩地

觀今頓北 扈在始平 邳今下 胡汝陰縣西

不羹襄城縣東南有 邳今下 胡汝陰縣西

昔陽肥國都樂平 房汝南有 鮮虞赤狄別

山新縣東有昔陽 中人北中望都縣西 鼓鉅鹿下 密須

在市縣定中人 甲父南有甲父亭 邴今琅邪

陰密縣甲父亭 邴今琅邪

定公

桐廬江舒縣西

哀公

虞梁國有 綸蠻子 梁河南梁縣 霍梁南有霍

戎戎州 東夷敖

土地名補

僖公

淮臨淮郡左右 疏云淮水發源入海其路甚

阪泉鄗 沃經襄城定陵入汝

成公

鍼戲童汝上洹

襄公

穎水出城陽至

阿澤濟北東阿縣西南有大澤

昭公

四嶽東岱西華南衡北恒

三塗在河南陸渾縣南

陽城山名在陽城縣東北

大室在河南陽北

荆山在新城汴鄉縣南

中南在始平武功縣南

鈞臺在河南陽北

景亳河南鞏縣西南有湯亭或言亳即偃師

岐陽

岐山在扶風北

塗山在壽春東北

坻箕之山

羽山在東海祝其縣西南

魏駘芮岐畢

蒲姑商

坻名山棘津名河津

三川涇渭洛水也

饒川

魯縣今魯陽縣

定公

邳下邳縣

臯馳繁昌縣東南有城臯亭

沙陽平元城縣東南有沙亭

瑣卽沙

垂葭○耶氏

野縣有耶氏高平

渠蔭○蘧挈

橐臯在淮南邊適縣

鄖縣發陽也廣陵海陵有發絲亭

黃池陳留封邱縣南

有黃

戶牖陳留外黃縣西東昏城是

關

惡曹折以上

公恒亭

多魚牡工倍以上

女栗

厥貉

沓以上

上

鄭瑣澤

交剛

狸脈

虛村

台谷以上

善道

劉蓋魯城外之近地

大隧

商任

泮以上

曠林

稷祥

厥憇

窮昭以上

拔

邾卽拔

安甫以上

公

杜元凱釋例土地名今未見其書據注分國寄示從

藝每未區

左傳土地名卷二

六

子輩便記覽焉雍正乙巳秋九月季和父

淵楚 神烈 崇公 姓 漢國 忠貞 壯公

國 忠貞 壯公 忠貞 壯公 忠貞 壯公



藝海珠塵



南匯 吳 省蘭 泉之輯
桐鄉 葉 之藩 价人校

左傳職官

沈 淑 簞 仕履已見

周

盟府注司盟之官。疏周禮司盟掌盟

疏周禮春官大膳夫則掌其盟約之載

下大僕之屬有御僕三吏注三公也

官名改易于時有左傳職官使司徒禁掠欒氏禮疏司

卜正注卜官

御士疏周禮無

尉氏注討姦之官

禮疏司

左傳職官

寇掌詰姦慝刑暴亂此使司徒者以司徒掌會萬民之
率伍以起役徒以比追得以此追寇盜是其所掌獲得
罪人乃使候注送迎賁陶正宰旅之屬官有旅
下士三人祈招注所父周司馬世掌
十人

魯

司空注魯司徒司馬
而兼職魯三卿無大宰羽父蓋欲魯特置其卜士
官以榮已以後更無大宰知魯竟不立之

國人養馬芻牧之事宗伯周禮大宗伯掌建邦之天
神人鬼地祇之禮小宗伯所掌亦當然

辨廟祧之昭穆諸侯之官所掌亦當然

正當注主徒之役○疏季氏馬正司馬左宰孟氏御
駟官兼掌御事

駟官兼掌御事
正夫注隧正○疏隧正當屬司徒臧氏者蓋

當時兼外史疏周禮外史掌書
叔孫爲司馬與工正書服孟孫爲司空書勳疏周禮大
有二教十一口以賢制爵十二口以庸制祿故書名定
位號也夏官司馬其屬有司士掌羣臣之政以德詔爵
以功詔祿工正雖不屬司馬掌作車服故與司馬書服
案周禮司勳屬夏官今司空書勳者春秋之時又諸侯
之法不得司勳屬夏官今司空書勳者春秋之時又諸侯
盡與禮同司官獲人賈正之賈師工師掌
之官周人宰人之屬
宗人注禮
齊

工政注掌百
寺人注內
雍注雍人○疏周禮掌
之官有內雍外雍
二守命注天子所
銳司徒注主銳
辟司徒注主壘

工政注掌百
寺人注內
雍注雍人○疏周禮掌
之官有內雍外雍
二守命注天子所
銳司徒注主銳
辟司徒注主壘

少傅 左相 饗人 司馬 衡鹿 疏周禮林衡掌

舟鮫 疏舟行水之器鮫大魚之名 虞候 疏周禮山澤

虞虞度也藪是少水之澤立 祈望 疏海神之官皆名有

官使之候望故以虞候為名 疏鮑氏臣

晉 差車 疏注主車

五正 疏五行 御戎 疏周禮戎僕 右 疏周禮戎右掌

晉以僖侯廢司徒 注廢為 大司空 注卿官以疏晉

以軍將為各司空非復卿官 寺人 七輿大夫 疏大

故文二年司空士穀非卿也 中大夫 豎 注左右小史疏

云侯伯七命帥車七 執秩 注主 筮史 司空 注晉司空

名官 元帥 注中 執秩 注主 筮史 司空 注晉司空

中行右行左行 晉置上中下三軍合復增置 大傅

大師 疏皆孤卿也 有三軍六卿復有孤二人王制諸侯三

主多置羣官共時 公族大夫 卿之適 餘子 適子之

所須不能如禮 公族大夫 卿之適 餘子 適子之

公行 既同公路當與公行 魏風 有公族公行 其路

路主車行列謂之三公 夏官 有諸子 下大夫 二人

國子之倅事與公族同也 春官 有諸子 下大夫 二人

王之五路事與公族同也 無餘子 司者 天子 諸侯 禮

耳 旄車之族 注公行也 疏注公者 旄車 行列謂 司

馬司空輿師候正亞旅 注晉司馬 疏注公者 旄車 行列謂 司

○疏司馬主兵甲司 僕大夫 注正主 疏注公者 旄車 行列謂 司

相主營壘故從軍行 饋人 按正屬御戎 疏周禮大掌

左傳職官 御官之長別

有戎僕掌御戎車春秋征伐之世以御戎為重此御戎
當是御之尊者按正出馬知是主馬官也按周禮技
傳曰命按正出馬知是主馬官也按周禮技
人不屬大夫御此蓋諸侯兼官或是悼公新法
右疏周禮司士掌羣臣之版以詔王治其職非車右之
凡國之勇力之士能用五兵者屬焉其下更有戎右中
大夫齊右之下大夫道右之士此三右或官尊於司右而
司右掌其政令春秋之世車右為尊
御此司士蓋司右之類為車右屬官
御

乘車之僕也六駟六閑之
駟周禮諸侯有六閑馬
馬掌諸侯之賦
四軍八卿
中軍司馬
鄩無賦於司
中軍尉
候奄
上軍尉
六駟屬乘馬御
馬御

注三軍
五吏
職文
三十帥
武職皆軍
三軍之大夫
六正
百官之正長
有注羣
師旅
帥小將
復陶
服之官
縣

師注掌地域辨其夫家人民○疏周禮縣師上士二人
師掌邦國都鄙稍甸郊里之地域而辨其夫家人民田
祗之數及其六畜車輦之稽凡造都邑量其地而制其
域以歲時徵野之賦貢天子之縣師掌此諸事則諸侯
之縣師亦當然故杜
輿尉
主發眾吏民
五卿八大

夫嬖大夫注下
饒宰
理
司典
掌典
陰地之命大夫注命大夫
別縣監尹

衛
右宰
大士
疏周禮獄官多以
少師
褚師

鄭
穎谷封人注封人典封疆者○疏周禮封人掌為畿封
封人職典封疆知
祭封人
執訊
注通訊
門子
注

諸侯封人亦然
左傳職官
四

之適子○疏周禮小宗伯掌三族之別以辨親疎其正室皆謂之門子鄭元云將代父當門者也

馬司空司徒大宰少正卿官鄭令正注主作辭

上大夫僕大夫褚師官注市馬師司墓疏周禮墓

邦墓之地域爲之圖令國民外僕注掌次六卿

族葬鄭之司墓亦當如之府內府外府亦謂之府泉府而

府人庫人疏周官大府內府外府通言庫亦謂之府泉府而

侯國異政殊野司寇注縣士各掌其縣之民數兩聽官有

故府庫並言大役聚衆庶則各掌其縣之民數兩聽官有

獄訟若邦有諸侯縣士亦當然各掌其縣之民數兩聽官有

其縣之禁令諸侯縣士亦當然各掌其縣之民數兩聽官有

外諸侯亦當然各掌其縣之民數兩聽官有

當謂郊內鄉之人也

大司馬 大司寇 少司寇 大宰 少宰 司武司注

宋以武公廢司空廢爲魚氏世爲左師門官

注守門者○疏周禮虎賁氏掌先後王而趨以卒伍軍

旅會同亦如之舍則守王閑王在國則守王宮國有大

故則守王門此門官蓋亦天子虎賁之門尹般注宋

類故在國則守門師行則在君左右

右師左師司馬司徒司城司寇卿宋六府人蕭封

人帥甸注郊甸之帥○疏周禮載師云以宅田土田

遠郊之地以公邑之田任甸地以官田牛田賞田牧田任

節級而別爲甸天子之諸侯與天子之境雖不同亦當近國爲

邑也帥甸者甸地之帥當是公邑之田則諸侯之甸亦公

舉以相明故注司里注里宰○疏周禮里宰五里下

之長也此司里謂之城內之民若今城內之坊里也

必有長不司里謂之城內之民若今城內之坊里也

郊外二十五里

家之長也

隧正注縣官名也

按正馬注主工正車注主

疏周禮司馬之屬無主車之官巾車車僕職皆掌車乃
 宗伯之屬昭四年傳云夫子為司馬與工正書服是謂
 諸侯之官司馬也之司宮注奄巷伯注寺人皆掌宮
 屬有工正主車也之官惟內小臣奄上士四人掌王后
 禮無司宮巷伯之官惟內小臣奄上士四人掌王后
 之命正其服位奄人官此最為長則司宮當天子之
 內小臣也周禮又云寺人王之正內五人之鄭云正內
 寢也巷者宮內道名伯長也宮內門巷之長周禮內
 小臣其次即有寺人故知巷伯是寺人也又以二師
 詩篇名巷伯經云寺人孟知巷伯是寺人也又以二師
 令四鄉正卿疏周禮鄉大夫每鄉正非卿典之子六鄉
 掌當天子之鄉大夫耳。周禮鄉大夫各掌其鄉之政
 教正月之吉受教法於司左師則鄉正當屬司徒此言二
 師命之者上文右師討右師則鄉正當屬司徒此言二
 分掌其方左右各掌二鄉故云二師則鄉正當屬司徒此言二
 云魯人三郊三遂則魯立三鄉此云令四鄉正也費誓
 四鄉也周禮鄉為一軍大國三鄉此云令四鄉正也費誓
 者當時所立非正法也於祝宗注大祝宗人而四鄉
 時宋置六鄉况四鄉乎

以事鬼神祇小宗伯掌建國之神位特性少牢士大夫
 之祭祀也皆宗人掌之掌其事然則祝是祭神言辭大祝掌
 之禮儀宗人掌之掌其事然則祝是祭神言辭大祝掌
 故皆祝宗同行內師知太子內事為在內人之官監
 也司馬置折俎疏周禮大司馬云大會同則帥士庶
 是司馬掌會同薦羞之事少司馬御士注公褚
 故宋令司馬置折俎也鄭元云迹之官凡田獵
 師注大迹人者疏周禮地官迹人掌邦田之政凡田獵
 也處大尹官注近

楚

莫敖注禁大闔注若今城門校尉官。疏周禮天官
 戮墨者使守門別者使守圍則闔不使別而鬻拳得為
 闔者地官之屬有司門下大夫二人掌授管鑰以啟閉
 國門鄭元云若今城門校尉官然則鬻拳為大闔當如地
 若今城門校尉官然則鬻拳為大闔當如地官之司門

非天官之閣人亦主晨令尹司馬國老疏國之

昏開閉通以閣為名焉注宮衛之官列司敗陳

仕者致大師環列之尹注兵而環王官名注官封人

楚名司寇工尹掌百工工正箴尹注名注官封人

注封人其時主築城者亦如之疏周禮封人凡封國封其四

疆造都邑之封域者亦如之司徒注司徒與慮事受其

要以待考而賞誅是封人司徒掌役縣公注縣楚

主造城邑計度人數也司徒掌役縣公注縣楚

夫皆僭宰注令內官注近少宰冷人注樂

稱公右尹大司馬右司馬左司馬連尹疏服虔云射官言

主射當使養由基為之何以使由基為宮廐尹也若是

各臨時所作莫敖之徒並不可解故杜皆不解之

宮廐尹司馬令尹之偏大宰芋尹疏芋草名哀

芋尹蓋皆以草卜尹師少師郊尹正僕人注

子近官。疏太僕也廐尹莠尹王尹服虔云王尹

周禮下大夫二人注在都邑之王馬之屬王之養馬官左

都君子注有復除者樂尹注司樂右領左史注皆

尹監馬尹鍼尹樂尹注司樂右領左史注皆

官差車寢尹注寢秦

行人不更疏漢書稱商君為法于秦戰斬一首者賜

更五大夫六公大夫七官大夫八公乘九五大夫十左

庶長十一右庶長十二左更十三中更十四右更十五

少上造十六大上造十七駟車庶長十八大車庶長十

九關內侯二十徹侯案傳此有不更女父襄十一年有

庶長鮑庶長武春秋之世已有此名蓋後世

右大夫

以漸增之商君定為二十非盡商君新作也

庶長

左傳職官

七

總

卿置側室註側室衆子也得立此一官者其餘諸官事連
 於國臨時選用異姓皆得爲之其側室一官天子有
 必用同族是卿蔭所及惟知宗事故特言之天子有
 日官諸侯有日御註日官曰御日官居卿註日官者
 不在六卿之數而位從卿故言居卿也○疏周禮大史
 掌正歲年以序事頒告朔于邦國然則天子掌歷者謂
 大史也大史下大夫非卿故不在六卿耳勳在王室藏於
 卿之數傳言居卿則疏周禮司盟之惟言會同之盟不掌
 盟府註司盟之官○疏周禮司盟之惟言會同之盟不掌
 勳功之事而得有號之勳藏則在盟府者凡諸侯初受封
 爵必有盟誓之言檀弓云衛大史柳莊死公與之邑裘
 氏與縣潘氏出而納諸棺曰世世萬子孫毋變也即盟
 誓之辭也漢書功臣侯表封爵之誓曰使黃河如帶泰
 山若礪國以漢永存爰及苗裔其誓即盟之類事必有因
 於古明知以勳受封必有盟要其辭當藏於司盟之府

也

曹豎侯孺注豎掌通

行李注使人一介行李杜云

行李字異爲注則同周語行理以節逆之賈逵云理吏

期思公復遂爲右司馬子朱及文之無畏爲

左司馬注將獵張兩甄故置二左司

行人注然則右司馬一人當中央行人掌大賓之禮諸侯

行人當亦之儀小行人掌使適四方協賓客之禮諸侯

通掌此事獸臣注虞僕夫蔡司馬舞師注樂

陳司徒注夫大陪臣注諸侯之臣稱

守臣注諸侯命

曰守蔡太師司歷圻人塗僕人巾車主

隸人牧圉嬪嬙疏周禮有九嬪嬪是婦官知嬪亦婦

焉蓋周末婦官有此名漢成帝時

三老老農老杜云

以掖庭王嬌賜句奴各因於古

左傳職官

藝文類聚

左傳職官

上中壽 山人虞 縣人遂屬。疏周禮山虞掌山林之
下壽 遂是縣為 行理 注使人通 陳芋尹
遂之屬也 聘問者

古

大岳 注堯四岳。疏四岳官名 適人 注行人之官書
大岳也主四岳之祭焉 鄭 孔傳云宣令之

官 齋夫 注疏書孔傳云齋夫蓋司空之屬 雲師 火

師 水師 龍師 鳥師 鳳鳥氏 歷正 元鳥氏 司

分 注燕春分 伯趙氏 司至 注伯勞夏至 青鳥氏 司

啟 注鶉鳴以立 丹鳥氏 司閉 注鶯雉以立 祝鳩氏

司徒 鳩孝 鳴鳩氏 司馬 注玉鳩鷲 而有別 鳴鳩氏 司空 注

鳩均 爽鳩氏 司寇 注鷹 鶡鳩氏 司事 注鶡鳴春來 疏司

事謂營造之事於六官皆屬司空此司空與共工各為一官也

一官者古今代異如舜典司空與共工各為一官也 九扈

五雉為五工正 注西方鷓雉東方鷓雉南方翟 九扈

為九農正 注春扈鷓雉夏扈鷓雉秋扈鷓雉冬扈鷓雉黃

扈鷓 樂正后夔 木正句芒 火正祝融 金正蓐

收 水正元冥 土正后土 稷田正也 薛祖奚仲

為夏車正 注為夏禹掌 仲虺為湯左相 少康為仍

牧正 注牧官 有虞庖正 疏庖正當周 禮之庖人

春秋列國官號甚雜今分輯之載注疏之說與周官

參校畧可以見侯國之差錯焉雍正乙巳冬十月季

和父 左傳職官

藝海珠塵



經部春秋類

南瀛吳省蘭泉之輯

新寧陳人倬漢昭校

左傳器物宮室

沈淑纂仕履已見

器物

隱公桓公

蝥弧旗名郟大鼎郟國所造器也

莊公

金僕姑矢名

鑿鑑

以鏡飾帶今西方羌胡為然

傳

臯比虎皮

箒

飲酒

閑公

魚軒夫人車以魚軒為飾

重錦

偏衣左右異色

金玦以金為玦

大

布之衣大帛之冠

僖公

屈產之乘垂棘之璧

屈地生良馬垂棘山美王

扉履

麻作之曰扉

鷩

冠青羽出交州

鞞鞞鞞

鞞在背曰鞞在後曰鞞言駕乘參備

大輅之服戎輅之服

戎輅大輅金輅戎輅戎車

彤弓

一彤矢百茲弓

矢千形赤弓

柎柎一柎

柎酒柎器名香

瓊弁玉纓以弁

鹿子皮為之瓊玉以飾弁及纓

大旆之左旃

旃名繫旃曰旃旃通帛曰旃

遽車

墨衰經以凶服從戎故墨之

均服

戎事上下同服

宣公

丁寧

鉦也

笠

輶

輶云輶之蓋如笠杜云兵車無蓋尊

藍

鼓

矢之善者

輶

車

屯守

和服

近身

輶

輶

輶

輶

輶

輶

輶

輶

輶

車之

游闕

游車補闕者

肩

兵

輶

輶

輶

輶

輶

輶

成公

曲縣

諸侯軒縣三面其形曲

輶

輶

紀

輶

玉

磬

路

蜃炭

翰

輶

輶

輶

南

冠

楚

滅

史服之即

襄鐘

鄭襄公

輶

輶

巢

車

為

輶

襄公

輶

輶

輶

輶

輶

輶

輶

輶

頌琴猶言雅琴組甲被練籥簣桐土櫓大旌夏

大旗鄭云橫廣車陳之車羽毛析羽為旌王者游車之所

吳壽夢之鼎鑄鐘因以聲應林丹書魏律緣坐配

戶者皆用赤紙為籍其卷以寢戈親近組壺璽

書編帶紵衣吳地貴紵

昭公

豆區四豆為區踊別足者屨讒鼎服云疾讒之鼎明堂

地名禹鑄九鼎桃弧棘矢瑤壻玉欝耳大屈

賈云大屈寶金可以為劍大屈莒二方鼎游服戲游

服之弁髦靈姑鉞秦復陶秦所遺翠被豹舄

鍼秘秘柄也魯壺密須之鼓闕鞞之甲國名甲父

之鼎甲父古權尊玉瓚餘皇舟名寶珪牒也

僂句龜所出楯瓦瓦楯胸車鉞也啟服馬前

白啟用名龍輔禱旱玉也刑鼎雙琥刻玉為

長轂戎車駟傳也無射名鐘

定公

肅爽馬爽或作霜賈云色如霜統馬云肅爽夏后氏

之璜雁也其羽如練高首而修頸馬似之封父之繁弱封父古諸侯也少帛帛雜精莜

大呂鐘沽洗名鐘文之舒鼎衛文公成之昭

赤衛成公得此龜灼之定之鞶鑑楊楯馬褐馬衣

左傳器物宮室

狸製製裘也

犀軒車

直蓋高蓋

蔥靈輜車名

衝戰車

燧象竹刑

哀公

籛旗

屬鏤名劍

虎幄

衷甸一轅車

製雨衣

鞮

桐

棺

宮室

周

為國之圃

遵伯之宮

闕象魏也

宣榭注講武屋

艷宮

祗宮

莊宮

襄宮

平宮

魯

仲子之宮

社圃名園

御廩公所親耕以奉

王姬之

館桓宮

延廡

路寢正寢也

武闈注宮中

武闈注宮中

觀

臺累土為之可以遠觀

夷伯之廟

西宮注公別宮也穀以為

泉宮

泉

羊取公

重館方與縣

大室注大廟之室公廟

武宮以為魯公廟

鹿園

蒲

臺

新宮宣公神主新入廟故謂之新宮

武宮以為魯公廟

鹿園

蒲

圃

東宮

僖闈僖宮之門

楚宮

大庫魯城內有大庭氏之虛於其上

鹿園

蒲

庫

郎圃

大庭氏之庫即大

長府

蛇淵

圃

湯

宮

季平

雉門公宮之南門

兩觀闕也

高寢名宮

司鐸名宮

齊

東宮

疏西北為乾乾為君父故君在西東方震震為長男故太子在東

內宮之朝疏夫

藝海珠璣

左傳器物宮室

四

人之宮有朝
羣妾之處
襄宮襄公廟
大宮大公廟
虎門門公
遄
臺 檀臺

晉

武宮注文公之廟
真衛侯於深室別室
桃園 寢庭

路寢 軍府注軍藏府
榭講武
固宮晉語云范宣子以公入於襄公之宮

蓋襄公有別宮牢
銅鞮之宮 虎祁之宮

衛

西圃 藉圃 北宮 昆吾之觀衛有觀在昆吾之虛
靈臺

鄭

大宮鄭祖廟
宗祏藏于石室
王宮襄王聞晉戰勝自往勞之故作王宮於踐土

王庭踐土上宮之庭
原圃地名滎陽中牟縣西有圃田澤
西宮北宮

伯有為窟室 襄庫 鄉校

宋

東宮 連中名館 沃宮

吳

堀室

楚

經皇注冢前闕
室皇注寢門闕
渚宮小洲
地室 蒲宮

章華之宮 新臺華章
大室祖廟
高府別府

秦

左傳器物宮室

靈臺 在京兆鄠縣周故臺

具圍 圍名

曹

大室

高

社宮

邾

門臺

總

茅屋

逆旅

舍客

京觀

智井

井廢

縣門

疏偏版廣長

如門施關機

長

臺

以縣門有寇則發機而下之

大寢

路寢

小寢

倚廬

夏鈞

臺

臺

臺

臺

臺

臺

臺

臺

臺

臺

藝海珠塵

神宗

經部春秋類

經部春秋類

義則亦法

香圃

南滙

吳省

蘭泉

之輯

丹宜

其

海寧

陳

懷

在寬

校

春秋三傳異同考

公吳陳琰纂

陳琰字寶崖一字芋町浙江錢塘人官山東在平縣知縣

春秋魯史也而實經也左氏公羊氏穀梁氏釋經者也

故名傳也傳以釋經而三家互有異同何也蓋孔子作

春秋筆削一出自已斷親炙如游夏不能贊一辭何惑

乎傳聞者之互有異同也有異同斯有得失矣或謂孔

子當定哀間多微詞復祕不以教人故諸弟子言人人

殊或謂公穀自云得之子夏左氏則得之親見故紀事尤詳愚竊謂孔子未嘗祕春秋特知者寡耳三家親見與傳聞不可知大抵三傳始皆口授自學者著爲竹帛遞相傳會迺愈多異辭總以合於經者爲得其不合者均失焉昔朱子刻春秋於臨漳郡止用左氏經文而曰公穀二傳所以異者類多人名地名而非大義所繫故不能悉然人名地名之異或由語音字畫之訛壹從左氏宜矣其中亦有左氏非公穀是者且有一字殊而大義俱乖者又烏得略而不論乎愚請以人言之一聲子也公曰隱公之母穀曰隱公之妻左曰聲子尊卑異也

一子氏也公曰桓公之母惠公之妻穀曰惠公之母孝公之妾先後異也一齊仲孫也左曰齊大夫公穀曰魯慶父孟孫仲孫異也一杞侯也左曰杞侯公穀曰紀侯妣姓姜姓異也一尹氏也左曰君氏惠公之夫人公穀曰尹氏天子之大夫男子婦人異也一納捷菑也左曰趙盾公曰卻缺穀曰卻克大夫與大夫異父與子又異也至若君氏卒公穀曰天子之大夫左曰聲子疏與親又異也公子益師卒不曰左以公不與小斂故不書曰穀以不日卒爲惡事與情又異也其以紀履緌爲紀裂繻以紀子伯爲紀子帛以子叔姬爲叔姬以曹伯廬蔡

侯廬爲盧左氏稱人之異也。以捷爲接。以郟黎來爲倪。黎來以鄭詹爲鄭瞻。以公孫茲爲公孫慈。以曹伯班爲曹伯般。以卓爲卓子。以召伯爲毛伯。以先蔑爲先昧。以邾伯爲盛伯。以聲姜爲聖姜。以定姒爲定弋。以夷臯爲夷猗。以郤犇爲郤州。以韓厥爲韓屈。以士魴爲士彭。以齊侯環爲齊侯瑗。以鍼宜咎爲咸宜咎。以鼻我爲鼻我。以陳孔奐爲陳孔瑗。以蕞罷爲蕞頗。以佞夫爲年夫。以國弱爲國酌。以齊惡爲石惡。以宋公成爲宋公戌。以滕子原爲滕子泉。以季孫意如爲季孫隱如。以公子慙爲公子整。以夷朱爲夷昧。以朝吳爲昭吳。以戎蠻子爲戎

曼子。以叔輒爲叔痊。以郟釐爲鬱釐。以章羽爲章禹。以黑肱爲黑弓。以公孫姓爲公孫歸姓。以杞伯成爲杞伯戊。以孔圉爲孔圉。以晉士鞅爲趙鞅。以公子地爲公子池。以頓子詳爲頓子瞻。以茶爲舍。以轅頗爲袁頗。以晉魏曼多爲晉魏多。以衛侯爲衛侯術。以穆姜許穆公爲繆。以公孫蠆鄭伯蠆爲曠。以平達罕虎爲軒。以甯速仲孫速鄭游速爲邀。以寧儀向寧鄭伯寧滕子寧爲甯。以陳侯杵臼宋君杵臼齊侯杵臼爲處。公羊稱人之異也。以無駭爲無孩。以仍叔爲壬叔。以語爲禦。以公子友爲公子季友。以狐射姑爲狐夜姑。以椒爲萩。以公子燮爲

公子濕以良膏爲良膏。以鱒爲專。以荀盈爲荀盈。以楚子虔爲楚子乾。以世子有爲世子友。以蔡侯朱爲蔡侯。東以郤宛爲郤宛。穀梁稱人之異也。若其稱人之共異者。左公穀皆以衛俘爲衛寶是也。稱人之兩異者。公穀皆以挾爲俠。以轅濤塗爲袁濤塗。以侏諸爲詭諸。以頽爲髡。以敬嬴爲頃熊。以洩冶爲泄冶。以曹公子首爲曹公子手。以髡頑爲髡原。以公子騂爲公子斐。以黃爲光。以吳子遏爲吳子謁。以楚子麇爲楚子卷。以繫爲輒。以叔詣爲叔倪。以樂大心爲樂世心。以荀躒爲荀櫟。以叔仲彭爲叔彭生。以莒展輿爲莒展。左穀皆以叔孫舍爲

叔孫婁是也。稱人之各異者。公以庸咎如爲將咎如。穀作庸如。公以成熊爲成然。一作成能。穀作成虎。公以邾子極爲邾子暱。穀作邾婁子暱是也。請以地言之。戎一而已。左公皆作伐戎。而穀獨作伐我。彼與此有異焉。邾一而已。左穀皆作取邾。而公獨作取詩。國與邑有異焉。鄆一而已。左公皆作鄆。而穀獨作繪。鄆一而已。左穀皆作邾。而公獨作邾。邾沙一而已。左穀皆作沙。而公獨作沙澤。詳略之異也。至若以時來爲邾黎。以邾爲盛。以虛爲邾。以袤爲侈。以倪爲兒。以夷儀爲陳儀。以偃爲纓。以夔爲

隗以須句爲須胸以翟泉爲狄泉以裴爲斐以斐林爲
裴林以崇爲柳以陸渾之戎爲黃渾戎以繹爲黷以莒
爲衛以無婁爲牟婁以瑱澤爲沙澤以鄆爲合以桃爲
洮以防爲邴以禘祥爲侵羊以厥怒爲屈銀以昌聞爲
昌姦以陽州爲揚州以拔爲技以臯馳爲浩油以柏舉
爲柏莒以邲爲費以垂葭爲垂瑕以橋李爲醉李以啟
陽爲開陽以亳社爲蒲社以闡爲僎以郟爲連以安甫
爲鞏一作案以毗爲比一作苾公羊之稱地又異焉以
曲池爲毆蛇以甯母爲寧母以緡爲閔以舒蓼爲舒蓼
以袁婁爲爰婁以偃陽爲傳陽以台爲郟以鄆爲夢以

雞父爲雞甫穀梁之稱地又異焉若夫以承筐爲承匡
左公穀之稱地又皆異焉以邠爲成左公之稱地又並
異焉以蔑爲昧以祊爲邴以浮來爲包來以戴爲載以
漒爲郟以滑爲郟以旣爲暨以郟爲微以下陽爲夏陽
以首止爲首戴以垂隴爲垂斂以笙爲裡以茅戎爲質
戎以善道爲善稻以鄆爲操以亳城北爲京城北以雍
榆爲雍渝以大鹵爲大原以賴爲厲以夾谷爲頰谷公
穀之稱地又並異焉公以渠蔭爲籛籛左亦作籛季公
以艾爲鄆穀則作蒿公以鄆爲犁穀則作麗公以訾婁
爲叢穀則作訾樓公以鄆丘爲犀丘穀則作師丘公以

狸脹爲狸軫。穀則作狸蜃。公以號爲潮。穀則作郭。公以
蚡泉爲瀆泉。穀則作賁泉。左公穀之稱地。又自爲異焉。
其餘或侯齊宋。或人齊宋。或以楚子爲楚人。或以許男
爲許伯。或以公孫爲公子。或以世叔爲太叔。或以齊師
爲齊侯。或加曹伯。或加邾人。或闕叔孫。而且或有鄭衛
或無鄭衛。或以晉侯爲齊侯。或以齊欒施爲晉欒施。或
以衛公叔戌爲晉公叔戌。此類甚夥。皆人與地之較然
不同者也。至其以會邾爲及。則內外不同矣。以逆王姬
爲送。則往來不同矣。以大胥爲大省。則天人不同矣。以
宣榭爲宣謝。則廟榭不同矣。他如以殺爲弑。以叛爲畔。

以災爲火。以救爲侵。以渝平爲輸平。以鸛鶴爲鶴。皆
事物之不同。以春王二月爲正月。以春王三月爲正月。
以甲子爲甲戌。以巳亥爲乙亥。以日下昃爲下稷。以大
雨雪爲雨雪。皆時日之不同。其或音異而名同。有括結
嘉喜之類。或音同而文異。有泣莅帥率。熾熾克尅。螽蠖
隕霄谿溪之類。其他紀載之有無。字數之增損。殊難更
僕數也。雖然。此猶其小者也。論其旨趣之異同。則得失
亦相因而見。卽如春秋嘗有闕文矣。夏五郭公。孔子亦
承闕文之疑。而姑闕之。若齊人衛人鄭人盟于惡曹。而
宋不書。亦闕也。而左氏補之。趙盾帥師救陳宋。而經無

宋亦闕也。而左氏亦補之。可不必補者也。然猶未爲非也。彼黑肱以濫來奔。黑肱之上。當有邾。亦闕也。而公羊解曰。文何以無邾。婁通濫也。則謬甚矣。其失一也。春秋蓋有教戒矣。書法以垂教也。書事以垂戒也。三家不明教戒之義。而但以褒貶爲說。有一事而或以爲褒。或以爲貶者。有事同而前以爲褒。後以爲貶者。有以書爵書字。或稱氏稱族爲褒者。有以書名去氏去族爲貶者。有以日月地名之書不書爲褒。貶者。然其中亦或事一而名爵異。書罪大而世族不削。則又何辭以解乎。而後儒猶曲爲之解。則愈非也。其失二也。春秋亦有義例矣。如

加王於正。削吳楚僭號。而從其本爵之類。是義也。而要非字字有義。如三傳所云也。如書其君歿曰薨。外諸侯曰卒。內大夫書卒。外大夫不書卒之類。是例也。而要非字字有例。如三傳所云也。其失三也。若三家之所得亦非一端。如論刺公子買以說於晉。論日蝕不書朔者。官失之。此類則左氏爲得。如論三國從王伐鄭爲正論。如齊觀社爲觀齊女。此類則公羊爲得。如論築館於外爲變之正論。陳牲不殺。以明天子之禁。此類則穀梁爲得。至三家離經作傳之失。亦非一端。如以萇宏爲違天。以兵諫爲愛君。以納幣爲用禮。以歸祊爲易許。田以歸。贈

爲豫凶事。此類非左氏之失乎。如以王正月爲王魯以成周爲新周。以廢君爲行權。以圍戚爲伯討。以妾母稱夫人爲合正。此類非公羊之失乎。如以不諱敗績爲惡。內以不納子糾爲內惡。以獲麟爲成文所致。以拒父爲尊祖而得禮。以戎伐凡伯於楚丘爲衛。此類非穀梁之失乎。如齊仲孫來以爲魯慶父。魯滅項以爲齊實滅之。此類非公穀之均失乎。若夫以公薨爲攝。以弑君爲趙穿。以弑君爲不嘗藥。三家之失。自歐陽永叔鄭夾漈屢辨之矣。昔馬融著三傳異同說。唐志有李鉉春秋二傳異同十一卷。李氏三傳異同例十三卷。馮伉三傳異同

三卷。今皆不存。趙氏又嘗攷其舛謬。凡二百六十一條。陸氏纂例三傳經文舛謬。凡二百四十一條。自言考校從其有義理者。然徃徃亦多言未知孰是。兼恐舛謬不止於此。故先儒猶惜其與奪未能悉當。欲更爲釐定焉。愚皆未見其書。今祇以居嘗辨正者。略著於篇。大約三傳不可盡信。不可不並存。學者當思未有傳以前。春秋之旨安在。而後三傳皆可備折衷。其諸讀書能觀大意者與。

大正

大正

